

窺園詩鈔



977936

友知為大方所

先集一冊家刻每種

山字生快候

孝之履之也

文沙先生之

學

大清



一年之別轉眼山重水
復瀾泗兮從

六集在否未嘗不時奉
念也亦今弟素為抱疴
且一月而能接見適意極
輩無一在家日思之去讀

卷八

手教推許太過非所敢
披不承

魚我秋上蘭二盞以

雅人几櫻之使讓之哀哀一
老稍不料理以為花所可
不——謹此弟少不學向炳

獨之先其甚甚尤甚乃為
殷之下向少承不恒股以折
其實小之有裨 若依也
後序一通錄在別卷

乃凡序本亦一理氣概
之詩文非弟所長無以游之

後人讀

二

為輕重塞白之不足方家
一嘆也 外付呈 先君詩集一
冊於書石刻一通係為友朋
所携非弟引妄心也之之於寫
粗扇為贈之病中手腕
孱弱保之異日可

弟奉信

止祀之書

學弟



有

文沙學士先生傳史

附河蘭一德

積芳山色陽苔岑子里

上蘭言寄之深為道此花

後天讀

三

開家後與天同結歲寒心

作此札適當七夕偶於舊作鈔於餘幅
奉寄一笈

蟄絲蠅淚松秀休終古銀河愛水流除是仙郎
老不老年々值日有情絲 賦：星河夜漏遙人間

天上兩相思一羣烏鵲于何處飛去為誰

天上巧泥夕露乞世間鍼待幾時神杜陵不怪之癡

兒女罵教蛛絲是少人 但聞鸞駟涉然河取見

瓜盤墮玉梭下界白來無限巧勝他天上乞雲多

一段閑愁最不任
會緣常淺別緣深
自家做素
難成匹那度
鴛鴦譜上鍼



後天齋

四



蘇東坡詩集卷之六

蘇東坡詩集卷之六

秋雨先生抱琴像 樽盧方薰寫



鬼山湯聖檀識

抱琴像

昔之曰琴在御今
心曰琴亡去絕弦
不更張囊琴不再
理生則抱琴生死
則抱琴死

抱琴生自顯
夢榴居士書

永嘉高祖選拔公隨父孝廉公教授平昌寄籍於
斯故生又自號平昌厲裔嘉靖間監察御史竹巖
公八世孫竹巖公有異蹟載甌江逸志

傳

二

窺園詩鈔目錄

卷首

前序

後序

前尺牘

後尺牘

附絕句六首

抱琴像贊

抱琴生傳

卷一

古今體詩八十五首

卷二

窺園詩鈔目錄

古今體詩一百十三首

卷三

古今體詩一百十六首

卷四

古今體詩一百十五首

卷五

古今體詩一百四首

卷六

古今體詩一百二十五首

卷七

今體詩一百四十二首

卷八

今體詩一百一十首

卷末

詞鈔一冊

佛手柑賦

公請錢竹初明府興學啟

為家烈婦蘇氏請旌啟

禁捕魚文

募靈泉洞重塑胡公神像疏

募修靈泉洞觀音堂疏

澹溝小引

窺園詩鈔目錄

募修靈泉洞口石洞橋疏

跋朱吟陔廣文約以畫梅易素蘭帖子

請會小引

遂龍公所碑記

寄謝梁山舟先生賜序書

再請梁山舟先生後序書

為尹祠補鐫堯菴先生綱目發明遺失版

跋

誥贈朝議大夫澗泉葉公墓誌銘

跋重鐫月洞詩集後

爭田論

病中預計狀

半齋說

唐山翠峯菴募疏

向筠齋明府五十壽序

杭城續購遂昌棧房碑記

桃溪明府太翁谷園先生八十壽序

奉答青田端木子彝孝廉書

四舅母劉孺人哀辭

窺園詩鈔目錄

窺園詩鈔卷一

平昌厲喬

擬古

膏露滴空谷蘭芽日已茁芳氣淡淡生清風況披
拂紉佩人不逢巖壑匿幽質視彼桃與李朱白豔
朝日無言自成蹊乃知衆所悅

明月照虛幌洞房流輝清美人甘岑寂彈琴寄遙
情花影忽凌亂好風入窗櫺自得弦中趣復餘弦
外音詎謂知者希調古無人聽

楊朱泣歧路墨翟悲素絲多方乃喪生有染易成
緇聖人貴葆光六鑿當自持屈蠖與蟄龍升沈各

窺園詩鈔卷一

有時南山有故居眷此元豹姿

草堂雜詩

閒居寡營惟一二知己酌酒覽古興來情

往率爾賦詩

三春足時雨林園已藹然白雲翳空中無心落簷
前因念杜陵老用拙乃自安草堂有佳趣心跡追
前賢

旭日升東皋衆鳥喧林終晴光滿茅屋照我朝讀
書榻來鄰里翁挈榼攜雙魚不巾亦不櫛賓主無
所拘人生樂有酒安論賢與愚

與夏愛山夜話

入世吾誠拙論交爾最真無才猶衆忌有業竟長
貧骭憐同病蹉跎笑此身破窗今夜雨翦燭話
艱辛

妙高山寺

入林纔半里勝槩愜幽情行到無人處遙聞伐木
聲寒花獨自發野草不知名竹裏門常閉青苔滿
砌生

春游曲

錦城日暖浮香塵馬蹄驕踏楊柳春翠樓嬌娥愛
春好湘絃一撥愁眉顰吹竽擊筑相追逐狂歌醉
飲渾如昨年年春草碧雲低細雨輕風濕羅幙

窺園詩鈔卷一

二

劉拙亭村居

邨居人事少繞屋響潺湲犬臥籬門靜魚跳釣渚
閒隔牆分綠蔭卷幔得青山余亦期衡宇相從十
畝間

讀陶詩

坡公評陶詩沖淡發華縟直毀曹劉牆兼寤謝鮑
幅斯言雖驚人妙解超凡俗余性寡所歡蓬廬恣
卷軸墳典夙所敦尊壘亦間蓄斂襟讀公詩如聽
朱絲曲脩短不足論何有於榮辱歲寒松柏心飲
酒聊自足試誦荆軻詠淋漓氣盈牘

秋夜遲愛山

竹裏雙扉半掩開，相期滅燭躡蒼苔。幾回落葉作
聲響，誤我招呼出戶來。

卉隱菴

訪秋松際寺，雙徑上崖分。林轉忽逢雨，峯高或礙
雲。野樵遵麓見，落葉隔溪聞。一飯隨僧衲，禪堂冷
夕曛。

清修菴上方

入嶺無多路，諸天界已分。樹深猶帶雪，山靜易生
雲。佛影依巖瘦，鐘聲入暝聞。到門人跡少，時見鹿
麋羣。

送愛山還松陽

窺園詩鈔卷一

三

相逢三日又相違，握手溪橋未忍揮。憐爾天涯留
滯久，他鄉只當故鄉歸。

訪友人不值

言尋幽人居，青山曲迴抱。仄徑發寒花，飢禽啄餘
稻。空林風更疎，枯葉時一掃。竹屋靜掩扉，殘陽滿
秋草。

度赤津嶺

山行隨處足，板躋似此崇。巒少與齊井，底路盤晴
翠。上嶺頭人踏夕陽，低萬竿夾徑，都栽竹一水。通
邨又過溪，笑我薄游，今伊始青鞵，猶未識霑泥。

龍游曉發

際曉初移棹孤城背水隈村煙繞樹出江雪帶山
來岸斷藤猶絡洲閒渡未開蘭陵今夜酒不惜倒
千杯

釣臺

百尺雙臺迥高風千載無先生仍故態天子喚狂
奴六月披裘坐寒潭下釣孤何緣登彼岸一束薦
生芻

春日書懷

一病經旬嬾不禁烏絲閒寫強成吟斜陽影逐樓
頭逝野燒痕添陌上深夜月梨花游子夢春風蕉
葉美人心新愁舊恨知多少獨對清尊細細斟

窺園詩鈔卷一

四

訪趙丈石函

講幄春風續舊緣芒屨布襪自蕭然無心更索折
腰米有客時齋潤筆錢竹嘯詩廬邀月醉石探經
屋損秋眠署左有古石經屋童時記得曾相過接杖茅齋已
十年

畱別黃松汀曹蕙纒

繡畦三月菜花黃襪被書囊一葦航別路春山復
春水牽情垂柳又垂楊清時不用看長劍好友能
來話夕陽從此挂帆東浙去迢遙雲樹暮蒼蒼

俞立齋齋頭盆柏歌

西明山頂有矮柏委臥荒榛敲白石主人閒課種

樹書劓根移向盆中植柯枝夭矯皮鱗皺堂上陰
森染寒碧莫道支離三尺強蒼顏飽歷冰與霜竭
來忽與桃李互有如寒士澆落羈塵韉昨宵陡作
雷雨怒階前屋角生烟霧大谷深山山氣未除循簷
若有鬼神護我恐主人心膽驚凌雲欲化蒼龍去
蟠屈仍遭盆盎裁磊砢終是棟梁材君不見前朝
楛樗腹空洞枯株十丈亦何用

索愛山畫久不見報戲以小詩促之

十日五日一水石也應積月作峯巒若非愛惜金
壺汁性緩真宜配范寬

舟泊蘭溪

窺園詩鈔卷一

五

背水高圍堞居人半汲河泊舟因市近過客上厓
多江館城頭見村煙郭尾拖前灘聲勢壯一棹下
驚波

舟中自遣

庫篷終日坐一路有鷗隨驛過程還問舟行去不
知半艙分臥穩兩頓覺餐遲腹內吟成藁誰猜是
詠詩

采蓮曲

白藕作花出水鮮藕花灼灼葉田田十五女兒約
采蓮一聲欸乃木蘭船六銖細服輕如煙凌波宛
似水宮僊蟬翼薄鬢低映水欲采不采停纖指郎

心未識儂苦心不采蓮花采蓮子

龍游道中有懷松汀蕙纒

江干一別跡才違又整籃輿上翠微嵐聚空山渾
是氣日高峻嶺不生暉詩成刈稻憑誰寄節近吹
花遲我歸自笑謀生疎拙甚還家依舊掩柴扉

山行

谷口炊烟起居人三五家斷橋通野水荒徑發寒
花語熟鄉知近歸忙路覺加還湏過嶺去日腳莫
西斜

慈母吟為華嶺雲賦

之子抱夙志拓落愛書史願言遠行邁負笈求師

窺園詩鈔卷一

六

氏時當桃李天春風戒行李母聞悲喜交叮嚀吾
語爾出門跬步難他鄉異故里暄寒慎興居歸帆
宜早理載拜別親慈揚鞭去桑梓冉冉光陰疾忽
忽秋飈起有客從西來之子寄雙鯉客至造門廬
探袖取封紙母聞兒書來不歸亦歡喜向客問平
安肩肩叩終始家童繞客前各各訊行止問答未
及終天寒念旅邸中宵製衣裳鍼綫儂親指會客
將西歸旋將衣笥啟卷衣寄遠遊潸然拭雙涕吁
嗟愛子情恩勤靡時已為裁慈母吟緘函寄之子
遊學亦親榮還宜一陟屺

秋窗閒興

衣重寒猶怯，鑪熏香漸銷。
絮雲吹作雨，清響上窗蕉。

與愛山話別

愛君才調忝同盟，裘葛於今已六更。
磨蝎一般疑共命，歌驪幾度切交情。
杯盤此夕休辭醉，驛路明朝孰送行。
想到龍邱江上發，孤篷開處片帆輕。

春雨偶遣

一夜雨瀟瀟，城中屐響遙。
賣花春滿市，喚渡水平橋。
過午泥猶滑，輕寒酒易消。
踟青佳節近，江渚菜應挑。

贈天台王文芝圃重來司訓

窺園詩鈔卷一

七

百年靈氣毓天台，老住人間食芋魁。
不沐漢皇頻顧問，無人知是歲星回。

解學士墨竹圖歌為家兄爽霞賦兼寄曹蕙

纒西陵

書景模糊風謾謾，一片陰森元氣足。
雙眼頻揩面壁看，乃是雪節霜根之墨竹。
放筆直幹十數竿，枝葉盡帶風雨寒。
誰其作者解學士，蟠螭小印名猶刊。
絹色破爛勢經丈，遂與真竹看無兩。
渭川淇園鬱在曾，不似區區間篠蕩。
得勢陡作瀟湘翻，夭矯疑是蛟龍奔。
僧繇妙手不點睛，蜿蜒猶向空中存。
解公應制傳當日，誰識詩才兼畫筆。
阿兄屬我賦

長篇此公翠墨稱難得攜歸展挂玉鴉又坐對高吟興飛越窗明几淨寫硬黃緘函一寄滄洲逸

郡城雜詩

蓮城廣厦少比屋有餘孺樹種紅桺柏花開白木棉晨蔬春韭美晚市鯽魚鮮問土休嫌瘠民風憶葛天

擬謝惠連擣衣詩得閨字

歲月儵云逝秋風已淒淒成池日西匿庭樹懸玉鏡佳人暗長歎徘徊出深閨君子遠行邁衣服何當齋空庭拂砧杵玉腕勞提攜傳聲應清商斷續兼高低中宵命刀翦裁製紛縵不知近時體但與舊時齊鍼線密密縫時或掩面吮猶恐染淚痕見者心慘悽

窺園詩鈔卷二

八

同人登萬象山

漫說淹留去住難且除煩惱訪梅檀斜綠石磴風敲帽直上山亭客倚闌到眼溪光渾是碧關心霜葉乍成丹更餘黛色南明秀得飽羈人半日餐

上界香林靜歲華殘秋風景又天涯古碑剝落尋松雪佳日登臨近菊花清淨禪房僧獨住飄零畫史客無家愛山曾寓此浮生翻羨閒鷗鳥到處為羣浴淺

沙

題旅館壁

旅館荒雞最有情，殷勤報曉促前行。如何過客匆匆去，從不聞人謝一聲。

松陽道中憩野寺

野寺敲風雨，蒼涼戶晝扃。草深埋斷碣，僧去賸殘經。但有鐺三腳，難尋火一星。輿人催就駕，返照滿前汀。

喜愛山至

雙扉正值掩黃昏，忽又聞君來叩門。籬落早梅香壓帽，草堂殘雪夜開尊。情因別久談無了，席到更深坐尚溫。不是荒雞能報曉，忘懷幾欲達朝暾。

山房閒詠

窺園詩鈔卷一
九
雨後空階綠蘚滋，倚闌恰好放晴時。閒蠡背日歸虛幌，小鳥窺花上別枝。鏡裏山螺供畫本，石間松吹響琴絲。閒門無事殊清暇，便覺春光與我私。

答曹蕙孃見寄長歌并訊黃大松汀

孟春之月斗柄東，春光九十春融融。廿四番風更易過，藥闌開徧珊瑚叢。忽報故人尺書至，打門投以急遞封。發函伸紙吐光怪，潘江陸海源難窮。窮吟雜誦不忍釋，使我鄙吝祛心骨。憶昔鼓柁富春渚，空江浙浙秋落楓。梅東黃叔度要我相過，從今舊雨集坐深夜。蠟液濡紙達瞳矓，興來便作緼袍典。嗜酒那顧囊錢空，風流可悅觀王或。王曉霞坦夷不

險憐周

周子

醉餘同上吳山頂御風直欲捫蒼穹

西興海疊落眼底須臾潮信掀豐隆馮夷雜遝出水怪潮頭激岸相撞春當時錢氏挽犀手三千强弩誇豪雄可憐瞬眼皆陳跡唯見空江浩淼來長風載泛明湖天上坐湖煙淡抹山翠重綠波千頃韡紋漾囉囉三五鳴鳧翁朱橋畫舫鬧裙屐花林紺宇敲梵鐘聯吟牽袂興莫遏直待夕照歸雷峰勝游歷歷猶可數星離雨散驚飛蓬經今時復辱君什媿無以報玉瓏璵安得馳馬西陵道盍簪朋好重相逢側聞松汀又欲挂帆入楚澤為我一訊行蹤

窺園詩鈔卷一

一

題蔡穎峯畫

短笻低橫水石幽幾株枯木狀蟠蚪亂山堆裏碧雲濕茅屋無人颯似秋

先母葉太孺人六十生辰感賦

青青北堂草匪陽露不晞草心日以長春去無重暉嗟予生薄祐母氏懷甫離天俾兒失恃兒幼苦無知慈顏兒未識何由夢見之幸有遺挂存人言肖兒慈歲時與伏臘展拜憑追思淹忽六十載生辰復在茲啞啞屋上烏尚有反哺兒生兒烏不及兒生復奚為羹湯兒婦作杯棬兒女尸有酒非不旨有饋非不時其如養不逮徒悲風樹枝翻憾兒

降生不長為嬰媿

答慶元姚佃芝先生永嘉

讀罷新詩草閣秋一般僑寄在他州

先子自
邇來括

君懷故

土情彌篤我感神交面未謀已報征車將北上何

緣住屋訪東頭

與伯兄淡
道同居

此行合與班生似不易尋

盟到白鷗

長歌行贈夏愛山還錢塘

我不知千秋萬歲多少嶽寄歷落之奇才洿塗未
拔眠蒿菜雄飛雌伏誰辨哉鼎乎鼎乎爾何曾中
抑塞不能開憶昔見君美且鬢只今憔悴顏如灰
笑君復何心愛畫入骨髓昨日見君詩題向丹青

窺園詩鈔卷一

十一

裏丹青一幅凌滄洲苦吟古調追蘇歐那知拉雜

弄筆墨徒令心亂添煩憂不見方正腹中有鱗甲

鄉黨鄰里那可狎又不見古人智巧等拙愚拾其

糟粕徒疲乏我今書劍兩無成手無長筭空崢嶸

意欲上山搏猛虎入水斬長鱷柰海水揚波兮洶

湧空山月黑兮愁人安得為之激濁而揚清不如

覓錢刀去作洛陽客否則田舍翁多收十斛麥亦

得當茲蕭瑟辰君欲渡江津屈蠖良非計隙駒不

待人雞羣雖獨立龍性無久馴我今高唱大刀環

滿天風雪亦似為君清玉塵丈夫自懷鴻鵠志英

雄豈作鹿豕羣此去會當養毛質排空健翮凌青

雲

春日有懷

破費東君幾斛螺，好山染綠一溪波。水於臘雪消時長，春在梅花開處多。聽鳥每思攜榼去看雲，誰共抱琴過踏莎。江上同懷子解佩，清狂近若何。

席上贈歌者陳郎有懷黃松汀湘楚

舊約三生杜牧之，江南又是落花時。聽殘玉漏宵嫌短，勸盡金壺酒莫辭。題扇書裙成往事，挑燈彈拍續新詞。劇憐黃九湘江去，近日風情付阿誰。

舊贈陳郎詩云箇儂嬌小成惆悵老我風情未懶殘

送章北亭先生還秀州次贈別原韻

窺園詩鈔卷一

十一

不向長安市上眠，偶來橐筆著書便。山中草木都生色，況我叨隨文字緣。刀環忽漫唱高秋，行色匆匆講席收。此去最醒歸客眼，萬山飛舞出龍游。

夜過桐江

三日庫篷蕩去程，好山無數枕邊迎。身如看畫游還臥，舟為乘風夜亦行。露氣滿空天未曉，星光落水浪初平。懸崖知有人家近，岸火猶餘一點明。

贈張文無夜

先生方丈好終歲，佳西陵痛飲真名士。談禪最上乘到門，無惡客接杖有詩僧。近日南屏襖趨陪，悵

未能

惠讀南屏
秋禊諸作

聖果寺

背郭遊人漸少逢，紆迴石磴上中峯。
寒生白日欲西下，深入碧雲定幾重。
香送虛廊微過麝，嘯清絕壑遠聞鐘。
天風忽捲澄江練，雪浪澎滂走玉龍。

題愛山見貽畫幅

水村茅屋釣人居，泱泱溪流春雨餘。
幾畝薄田數株柳，小詩題罷夢吾廬。

次韻雷別張丈無夜

西冷前輩舊同羣，樹幟騷壇近屬君。
三筆六詩看並擅，案頭著作夥如雲。

窺園詩鈔卷一

三

忘年肯許共論詩，惜別尊前有贈詞。
我去江程七百里，萬山難隔是相思。

薪傳從兄以水仙見貽

平生愛花如愛仙，得花勝得青銅錢。
此花真能薰兩美，亭亭得仙復得水。
得水得仙天與奇，涪翁之語先得之。
只緣物產異鄉縣，焉得郵置來茅茨。
吾兄幸有買花癖，破費百錢不足惜。
殷勤栽向宜興瓷，瓊瓏更綴宣州石。
曝日溫磨漸近人，春寒冷豔羅瑤席。
憐我齋頭花事無，分貽數莖煩長鬚。
十日花香承厚誼，樂與晨夕殊匪孤。
傳神勝讀陳王賦，寫生儼披彞齋圖。
骨秀裁冰復鏤雪，不與羣芳爭

顏頤莫貴冰仙賤水仙似玉無瑕總清澈會折江
梅與蠟梅歲寒老友真三絕

送毛天巖還涇江

送君同至板橋西別我褰裳向激溪席帽看吟春
草去筍輿還度菜花低參天老樹如人立過嶺寒
雲作陣迷一路游蹤殊不寂延陵舊侶手同攜

與吳

菴
馬
同
行

妙高山同人小飲有懷夏愛山蔡穎峯

同儕笑語絕嫌猜小作團欒藉繡苔箬笠僧歸松
影路豆棚人醉竹根杯盈疇麥熟風才過出水荷
香花未開獨上孤亭懷舊侶攜尊曾為訪秋來

窺園詩鈔卷一

十四

靈泉洞

洞壑開何代香林早擅名石惟到寺好泉未出山
清樹杪憑欄穩巖顛結屋平不須重鑿險締構總
生成

李北海有道碑長歌

憶昔開元全盛載聲名藉甚李北海干將莫邪鋒
莫當文采風流今尚在尤長碑頌天下雄書法遠
宗晉人風興會淋漓筆始下往往不受人牢籠最
初出為梧州守高才臥治空山空無端幻入青霞
障牛鬼蛇神颯相向夢夢快作逍遙遊隨風吹落
瑤壇上龍虎忽從點畫生雷霆更助精神玉真人

役使想有因要令筆墨能通神公之他書果遜此
君謨一見云超倫聞說斯碑更奇勝是耶非耶風
能定從來世路多風波劃然動我江湖興安得攜
椎拓萬本大令人安穩不怨窮薄命

哭愛山

三年吟榻下書巢情性相投勝漆膠語我窮途時
有淚與人泛愛別無交文章自可千秋在貧病翻
教一切拋遺稿定知多散失恨難重覓付胥鈔

小園落成詩

并序

僕素性畏人常時窺圃家無長物唯餘種
樹之書賦有閒居擬結看山之屋未能效

窺園詩鈔卷一

十五

鮑明遠版鐻躬親致同杜少陵堂貲不給
自丙戌歲迄今三歷寒暑始得減產落成
爆竹聲中作此不急之務難免為山靈所

竊笑爾

鬻產營幽築頻年未覺非移松連土至伐石載雲
歸室小藏邱壑山空長蕨薇落成當歲暮初願始
無違

匠石攜錢去獠奴荷鍤還乞鄰花待植迸徑竹湏
刪池涸頻添水樓高不礙山柴門遲二仲未敢日
常關

送羅蘭塘明府之武林

曰歸早已速征輪底又濡遲過浹旬捧檄往聞毛
義喜束裘今見史雲貧但傾竹葉樽中酒自有梅
花別後春此去西泠殊不遠一家還是寄居人

尹堯庵先生祠

有宋徵文獻先生手澤存學資魯史正名列布衣
尊俎豆承賢裔祠堂近聖門向來香一瓣特為擷
芳蓀

湯臨川先生祠

臨川才子孰追攀飛鳥無心到此間一代詞名傳
玉茗三年吏隱賦刀鋸田園歸去陶彭澤俎豆長
留元次山為愛清風與亮節遙情高寄暮雲閒

窺園詩鈔卷一

十六

西明山

峭拔西明擅平沙路熟諳雲根穿別壑秋影落空
潭趁渡樵登岸梯崖佛借龕清華閣名泯舊跡水木
尚虛涵

閉戶

秋風拉颭自西郊閉戶誰來剝啄敲葉墮空階蟲
借宅雲迷深樹鳥知巢書因得閒翻停覽詩為雷
商且入鈔牘有閒田遺負郭文章未耜未全拋

對菊

百花菊最寒其品稱幽絕無如開偏遲不許人燥
熱憶自穀雨辰分苗量疏密繞牆插竹枝種類各

區別防衛術宜周浥注功罔缺如彼食力儔三時
無或輟樂此轉疲勞頗悔生事拙今時開兩畦始
覺酌顏悅深黃色比金淺白皎如雪幽質不爭妍
蘋紫亦間列斑爛五采文差勝夏侯綴市酒聊為
沽杯盤向花設對花如對人一觴請花醞時有風
動花花似領余說

過江

過江聞說趁潮平快接金焦放櫂行風借一帆人
競渡波涵千頃我移情參差樓閣中流峙絢爛雲
霞極浦明此去邗溝三十里定知今夕住蕪城

揚州

窺園詩鈔卷一

七

竹西歌吹繁華地聞說此間不易游笑我無纏并
無鶴雙垂空手上揚州

蕃釐觀

花市維揚競價高一花一宴鬪奢豪無雙亭外仙
葩在正恐州民更繹騷

玉鈎斜

黃土美人盡荒斜占阿廢宮中翦綵樹可似野棠
多

史閣部墓

節鉞當年此建壇無何脣齒失淮安宮中但覺防
邊易閩外偏教赴闕難諸鎮未聞謀禦敵孤城空

使坐專藩衣冠靈爽憑抔土特訪梅花拜歲寒

防河跋扈擁旌旄太息臨戎各竄逃請援倉皇血

裂皆督師憤激涕霑袍城頭疇不哀袁檠臺下猶

聞哭謝翺

謂劉湘客

飲劍西門寒日下悲風環繞廣陵濤

竹西

野岸仍河北空名指竹西二分明月了一片夕陽
低歌吹才人唱琵琶公子題曾聞牽錦纜何處問
隋隄

山塘舟次

山塘雨泊近初更徹夜敲篷不斷聲忽夢喚攜囊
笠具虎山橋畔看松行

窺園詩鈔卷一

十六

夏日田家

山村屆長夏耘耔畝已終稍釋胼胝勞但仰雨露
功青疇黍苗秀活活山泉通瓜棚過亭午有客嬉
涼風湊泊三五輩驚鶩稀雷同出言本無稽往往
談神農客聞資笑喙荒渺踵齊東慨念擊壤世亦
如此顛蒙

得月亭閒眺

山色畱人住杖藜蟬聲遙在小亭西隔溪野寺風
煙古去郭平田櫂極低渡口網魚通縣市水邊種
樹護沙隄斜陽人靜空磯石兩兩飛鳴上夕鷺
秋夜對月有懷

秋氣侵衣袂輕寒蘇病骸溪雲間補屋山月冷窺
懷孤坐情何逸高吟韻自諧無人倚修竹睠念及
同儕

蔡穎峯為小伶畫扇諸同人邀余題句

小扇淋漓翰墨揮諸君餞送有光輝天涯我輩俱
萍合豈獨陳郎作絮飛

代友人次韻送小伶

書展畫扇鬪同羣一曲驪歌迭唱勤憐爾身如秋
社燕天涯戀主總須分

九日登妙高山次袁守齋明府韻

賓筵羣從喜迎逢明府登高興發濃為訪秋來因

窺園詩鈔卷一

十九

訪菊共題餒罷又題松尊前氣奪千夫長舌底蓮
開十丈峯此日山城傳韻事策勲翰墨勝銘鐘

次蔡穎峯詠竹火籠韻

團欒貯火竹名籠較與張鑪製頗工細織湘紋添
浪碧深藏瓦鉢鍊泥紅此君豈是因人熟有具還
留趨士風熏炙但憑翻覆手春生寒谷佐諸公

窺園詩鈔卷一

窺園詩鈔卷二

平昌厲裔王夢篆文沙

出門

平昌有故侯遠宦徙并冀公案一重畱人言涉吏
議關情欲愬伊中有彌縫地適來有報書久要相
招致高堂命發函謂宜敦友誼兒言違晨昏親戒
勿畱滯事貴相幾行一舉兩情遂小子奉親言束
裝勉行邁叮嚀屬病妻子職惟爾代四千道路遙
往還弗踰歲慷慨出門行羞作兒女態

漂母祠

一飯王孫淮水濱千金報德享明禋那知野雉讎

窺園詩鈔卷二

功狗斷送英雄亦婦人

順河早發

月黑暗林柯前車更早過鐙鳴牛鐸遠霜拾馬通
多因念居民苦重為勞者歌長途倚天末極目奈
愁何

羊流店謁羊公祠

太傅祠堂接魯齧樞衣下馬敢辭勞空懷故里歸
巾幘不負家風示緼袍對對壘尚能投藥石招蒐合
為薦醇醪平生不少登臨興曠達常思峴首高

贈張穎思

人生遇合緣千里非強致緬懷傾蓋人往往在途

次茲如我與子邂逅兩不意子車驅幽燕我馬策
并冀所向既不同所謀亦良異未慣鞍馬勞逆旅
暫停轡欲住恐蹉跎欲行阻疲敝過客盡褰裳蒙
子獨就視一見遽傾心數語成投契並我所坐車
舍我所乘騎因忝馬齒長復申雁行義旦晚答綢
繆各各訊家世看子際妙齡況是將門喬清時方
愛才定作棟梁器繫余衰弱門先子清白吏一衿
丁我躬家聲常恐墜蹉跎歷風塵難免泥塗棄得
幸與子逢使我客心遂預愁袂袂分合并更何地
莫待下車揖尺書須早寄

整陽

窺園詩鈔卷二

二

冥濛百里間岱宗隱霄漢昨夜宿整陽峻嶒起方
寸

望岱

汶陽齋宿想龍從岱色青青破曉濃名並列星惟
有斗望隆五嶽獨稱宗哲人萎去悲哀鳳梁父吟
餘緬臥龍暫爾征途瞻氣象喜無塊磊更填膺

平原西門與張穎思別

君車自北征我馬轉西向落日下平原遙天兩相

望

故關時抱微疾

趙北燕南地崎嶇此伏戎兩崖爭面壁一險失頭

風寂寞談兵地蒼涼背水功時平來往客猶是說
英雄

平定州山行

并州初入境漸覺暖寒分春盡猶飛雪山高不出
雲蟻封穿馬過鳥道見人耘尚可徵唐俗風詩著
儉勤

昭餘送春

東風吹長麥苗齊寒食清明忽又違九十光陰春
易去三千道路客難歸鶯花故國知何似雲樹他
鄉望欲迷別有傷心振觸處無言相送立斜暉

署齋同人小集

窺園詩鈔卷二

三

署齋豁戶牖曠若扁舟虛屈浴佛辰正值薰風
舒令尹清且美跬步表容與退食有餘暇抗志在
古初詼諧展妙理書味溢齒餘賦詩迭賡和賓朋
相依於亭午棗陰寂晷影移庭除

晚至晉祠遲蘭塘明府

高處布樓臺層層鑿險開寒星捫井次枯柏騰秦
灰躡磴憑僧引看碑得友陪謂李膺多忽聞排馬至知是

白公迴

叔虞祠

叢祠甃磴上朱戶挹蒼涼莫謂唐侯弱能開晉國
疆歲逢桐葉閏是歲閏十月門有芰荷香特為探碑碣循

牆繞曲廊

晉陽

晉陽形勝領雄藩冷磧曾經戰蟻屯地拓三邊橫
馬邑河流九曲下龍門角聲吹動黃雲戍獵火燒
連紫塞垣不用更逢清嘯客懷鄉羈旅自銷魂

喜家書至有憶

手接書函尚未開為言齋到白金臺定因并冀無
郵便輾轉打從北寄來

心隔三千里外天無書記挂有書懸分明兩箇平
安字算寄來時却半年

愛日翻罹曠日幸近來眠食照常不馮無切明知有婦

窺園詩鈔卷二

四

能供給爭又生成是病軀

寄內

深閨羸瘦質多病倍堪憐遠出應余咎家居賴汝
賢心唯關愛日別豈動經年若問金釵卜賓鴻相
後先

思歸念切呈蘭塘明府

到來成小住欲去轉勾留夫子垂青眼高堂有白
頭鄉心同越鳥歸路仗吳鉤莫訝催鞍速登程已

暮秋

與魏卜初張笠堂話別

幾回惜別話更闌定有思鄉夢一般我去廣陵濤

畔過為君停權報平安

次韻雷別蘭塘明府

只為雙親遠繫情桑榆日漸向西傾難隨野鶴長
分俸累典鳴琴作贈行歸去何從酬德誼私心唯
有祝廉清雲間不隔南來路憑仗賓鴻好寄聲

冀南道中

家鄉渺天南微茫雲水外川原禾黍繁年豐客心
泰

出冀南

旅況經年已熟諳斜陽影裏策征驂三千里外初
歸客一笑回頭出冀南

窺園詩鈔卷二

五

太行早發

山店共雲棲征鞍趁曉雞僕忙齊襍被客去各輪
蹄培塿粘天簇銅鉦貼地低黃河繞背出來自太
行西

渡河

極目浩無岸通津一舸行人多兼馬渡波不待風
生自覺為儒賤因傷賦命輕漫愁歸路遠且喜漸
南征

旅次大梁

歇馬侯嬴里高城睥睨開西蟠函谷去北折大河
來公子憑誰繡

沈香巖詩繡
平原繡信陵

王孫信可哀淒涼懷古

蹟何處訪吹臺

磨盤山

磨盤山高不踰嶺磨盤山低不落井不知何自入
盤來團團規轉如園四子午卯酉昧指南陰陽向
背勞深省策馬有時注澗坡循途無復歷畦町平
看培塿不興雲仰視青天笠覆頂我行旋轉百千
迴盡日鞭絲隨帽影人間險阻有幾何崎嶇此已
愁荒憬前路儻逢問已經此身如夢迷不醒

滁州

滁州城外偶經過如此青山馬上何谷秀泉香豐
樂地居人占得太平多

窺園詩鈔卷二

六

清流關

十里清流雲樹森鞭絲帽影上嶠嶽南朝不少重
關險暉鳳如何一鼓擒

維揚病瘧戲示魏氏昆季

我從冀南來天暖雲霞淨三旬驢背行征鞍免泥
濘昨日抵維揚馳驅庶稍定主人訊行蹤一一誇
餘慶誰知耳屬垣偏遭瘧鬼聽夜半酒微醒違和
乖溫清忽若曝秋陽或如行冬令真使鬼椰揄公
然肆暴橫用知忌滿盈慎勿曰子聖賦茲除煩惱
讖悔侈口吝書示主人翁哄堂成笑柄

舟過惠山悵不得游

一夜寒生趨趁風九龍峯影落孤篷酒旗野店沽
三白飯顆家鄉憶二紅是日長至波外看山如夢到雲根
載水有船通頻年來往經過數付與櫓搖背指中

獠奴

蠢爾延槃瓠遷流自粵東祭先棄袒褐笄女削筠
筒倦息茅簷雨飢餐寒谷風佃田無別業男婦並
耕墾

北窗

觸熱難尋消暑灣祇宜高臥北窗閒漫言人在羲
皇上直欲身居夷惠間牛馬不妨隨俗喚禽魚依
舊笑予頑蓬蒿咫尺迷荒徑自覺踈狂少往還

窺園詩鈔卷二

七

休暑靈泉洞

天炎襍被訪精廬小住為佳六月初香積有緣容
借筓山靈無忤許攤書乘涼巖腹常須友問字僧
雛亦起予日與支公情款洽經旬我未賦歸歟

從巖腹循逕躋巖頂

洞裏窺天小門無斧鑿成路紆隨石折竹瘦上巖
生落葉催殘夏踈蟬響晚晴有僧扶陟險登眺轉
崢嶸

月夜閒步至古壽光宮

抱郭溪橋夕人家暝色中水禽啼夜月木葉響山
風路熟依沙輒春寒隱竹叢重尋讀書處茗飲費

支公

山行憩田家

山田梯級墾高原柏葉紅時鳥雀喧竹裏茅茨雙
甕牖水邊略約小柴門非無短桀棲雞母但欠高
樓看稻孫襤褸茅蒲農事辦清時耕鑿野夫敦

哭六季父繡巖先生

憶昔從遊弱冠時非徒臣叔更吾師生前翰墨隨
人乞病後方書不治婚嫁未完傷弟妹風流頓
盡屬伊誰同儕執紼俱含淚況我情深是比兒

石門

四圍山色規芳甸中有飛泉噴雪雷不是謝公能

窺園詩鈔卷二

八

作賊有誰鑿得石門開

安溪夜泊

小艇安溪泊風微細浪生遠山波際影孤雁月中
聲纜解乘潮去舟聯並榜行雞鳴天未曙埤垵已
甌城

南塘

甌郡南通海游踪此暫停船多紛螳旋市早集魚
腥估客占潮信居人乞廟靈日中齊覓醉一笑獨
予醒

由南塘泛舟至茆竹嶺

永嘉山水都出門遠近好不須扶杖行便買一舸

小逢人交臂間相失疾於鳥呬軋過南塘漸覺市
聲少依微見遠村屋脊露竹杪泛宅宅各到門屏藩
編叢篠誰家木芙蓉清霜拒獨早再過狀元橋青
山復迴抱夙昔禦海氛於茲建旂旄時清靖烽煙
荒涼但空堡舍舟戒僕夫擔囊陟嶺表煙波忽改
觀幾家瀕海島

飛霞洞

半壁飛霞洞臨河背女牆高樓爭雉堞老樹出僧
房橋為游人設船看過客忙憑闌資詠眺得句已
殘陽

江心寺謁文丞相祠

窺園詩鈔卷二

九

江心孤嶼鬱嶙峋信國當年此問津潮汐英靈通
海滢馨香士庶薦繁纘身羈北地歸無日蒐返西
臺哭有人一昔停驂遺蹟在徘徊廡下歎勞薪

謁劉文成公祠

文成功業炳千秋圯上隆中足與儔諸葛尚憐扶
後主沛公真幸遇畱侯明珠曾見遺滄海寶劍長
看射斗牛今日枯蒼憑弔客誰來不說帝師州
命世才生豈偶然如公終始亦迍邐一官梅福輕
投劾半夜劉琨起着鞭語為僨轅微忤旨恨餘歸
里旋生天至今覆瓿犁耨集膾炙人間五百年

港進青田不時舟泊

一葉梭船小芝田進港徐艤舟驚岸犬輟櫂數溪
魚沙嶼撐難上風帆挂亦虛算程來半日十里尚
無餘

舟經游竹欲訪陳訥齋廣文不果

溪田流水足耕漁山下高人此卜居定有吟聲出
茅屋檀欒脩竹映琴書

錦水灘

曲折溯溪流庫篷穩臥游草深荒野戍沙淺滯行
舟把臂依青嶂浮家共白鷗不知何處宿指點荻
花洲

由石帆上崖步行經苦竹至晚渡下河

窺園詩鈔卷二

十

五日狎鷗游綠波深澹沱庫篷一葉輕鎮日踟蹰
坐今早趁樵風徑至石帆下叶舍舟愛山行蹇裳
友頹我陟巘復經邛漸與溪瀨左未識前途遙路
通謨俱可深竹數家邨先春耕事妥愧余道路人
奔走逐塵堞出谷際昏冥足力早疲情喚渡趁歸
樵下河已燈火

答趙丈石函武林見寄

鶴望江城隔萬山冷官謝去況蕭閒早稱名士東

西浙老臥空園十五間

時文寓武林門十五間園

筆陣無人爭健

腕藥籠有物駐童顏幾時得趁樵風便一訪金牛
福地還

哭徐芎堂妹夫

徐子無年竟永辭，淒涼帷闥泣妻兒。
授經案在空陳迹，執手情殷悔到遲。
時余從郡歸絕筆有詩憐伉儷，續絲無命枉巫醫。
以當五月六日而今花徑柴門裏，倒履傾筐更屬誰。

題錢竹初明府所貽山水畫幅

磊磊巖畔松泥泥，碕中水松聲雜水聲。
琤瑋鳴不止。

由龍游至湯溪

簡子紅時值雨晴，看山終日篾兜輕。
阪田稻早先秋穫，野水橋多獨木成一昔。
暫投荒店宿三叉，又

窺園詩鈔卷二

七

昧坦塗行九峯十里當，西面為閭耕民指近城。

病中襟詩

瘧鬼三秋盛孱軀，一夕干相如方病渴。
范叔已傷寒，薄俗輕微疾。今吾患急難，家人環慰問。
未許報平安。

果爾瀕危地，精神忽盡乖。
半生原少可，一死便須埋。
怪鳥啼深夜，驚魂墮險崖。
經旬吾喪我，槁木是形骸。

病來難免俗，請禱應妻孥。
掇援勞同社，禳除仗小巫。
縛船排紙偶，索室鎮桃符。
設教憑神道，通靈效有無。

顏公曾乞米今我不須炊苦口拌嘗藥枯腸昧忍
飢加餐誠自愛下箸竟何時最好青精飯空懷杜
甫思

擁衾嗔悶夜爇火更愁余念安心如鹿眠醒目似
魚逝將旬日過直到五更餘即此宵無寐應知病
未除

昨投者朮劑內媵頗相宜昔患醫能殺今知疾可
治分甘忻有母覓栗苦無兒不死邀天眷栽培或
在茲

掃地焚香坐心清偶下帷翻書驅脈望攜硯試隄
糜弱女勤稱藥老妻戒詠詩掉頭從我好樂此不

窺園詩鈔卷二

十一

為疲

臥病將彌月窺園得曠觀谿山抱郭迴天地閉門
寬未雨苔爭綠經霜菊媚寒重披讀書處努力振
衰殘

黃松汀至楚十數寒暑不得消息近聞移幕

滇南病後懷思慨焉成詠

牛醫才子近何如闊絕參商十載餘挾蜚難通兩
處夢雁鴻不繫一封書壯遊在昔君多助結習於
今我未除寄語他鄉雖信美鷓鴣聲裏莫躊躇

山居蚤起續內子寒鳥出巢遲句

獨醒幽人慣聞鐘衣已披嚴霜棲地早寒鳥出巢

遲生粟膚難禁澆書酒最宜竹房山翠裏一縷裊
煙炊

臘月二十四日書事

臘日甌塵埽中廚淨宿氛釜炊妻執爨竈祭自為
文街鼓催年逝春盤先歲分一杯憑餞送司命應
微醺

拜節

一年初入手拜節強隨人爆竹兒童喜簪花婦女
新通街森閑肆逐戶煥宜春穀菽家家具相邀洽
比鄰

哭姊

窺園詩鈔卷二

十三

家貧井白力支撐一病如何了此生遲我啟衾情
脈脈恰如反舌已無聲

喪子幾番哭女孀可憐送死竟兒無長眠不瞑生
前目要到黃泉看藐孤

苦雨有懷

西蜀常多雨南天亦少晴千章虛結夏六月不聞
鶯野水翻歸市溪魚誤入城來人無今舊趺坐掩
柴荆

若霖姪餉燒酒

阿段提壺至休將宿釀誇子能親爇火吾最愛堆
花有此可攤飯無妨更剖瓜太平寬酒禁官醞不

如家

山行遇雨夜歸草堂

偶從郭外看山行陣雨翻盆阻入城喬木村村無
霽色野田處處有泉聲雲收遠岫雷猶作樹暝荒
祠電忽明且喜還家湯沐具荆妻急為倒瓶甕

立秋述懷

洗車雨過淨氛埃少昊司辰十日回一片鳩聲呼
暑去五更桐葉約秋來芙蓉未覺花容減蒲柳休
教霜鬢催春誦夏絃都過了西風試與少徘徊

過古壽光宮

塵寰信劫灰真釋亦萍梗昔為太乙壇今作招提

窺園詩鈔卷二

十四

境何年祀溫侯為民祛災昏仗劒凜神威面如寒

鐵冷僧龕類蟄棲空堂梵唄靜額懸先子書老筆

發秀穎先祖拙菴公有東林一枝匾額瓜蔓補頽垣畦蔬頗修整緬想

髻齡年讀書此汲井俯仰蹟已陳猶不殊風景殿

角下微陽斜光墮林影

出郭山行見田家風景晚止陳村莊舍

霜林木落見村莊納稼茅簷盡蓋藏稻藁綠竿高
比塋豆把架屋過於梁狸翻椽瓦防宵漏鼠穴鄰
牆透壁光數畝薄田遺澤在先人曾此業耕桑

李北堂招飲村居

高情為厭近城喧並挈妻孥僻住村遠市盤餐兼

味足閉門禮讓一家敦不妨買宅成通隱却喜攤
書養性源他日相期衡宇對桑麻檢校話晨昏

夜歸北山茅屋

爛漫扶歸酒半醺崎嶇村路暗難分深山犬吠聲
如豹茅屋松明火似雲未雨農功無日暇乍晴天
氣有風聞此間信宿隨緣住溪友畦丁自作羣

正月十三日積雪初霽十七夜雪又大作祁

寒入骨甚于司冬

宜麥纔霑第一回試燈風裏白皚皚幾番冬雪連
春雪五樹紅梅閒綠梅光映粉牆空愈好寒垂冰
溜凍難開農家課雨年年事五月須防盛漲來

諺云

窺園詩鈔卷二

十五

一番春雪
一番大水

二月初四日雪霰交作窗外梅花盛放相映
清妍可玩再用前韻

東風陡轉北風來臘月同雲一例催欲雪飢禽偷
粟下知寒凍蕊背陽開

諺云梅花向下
雨雪必大甚驗

漫占宜麥先堆

麪縱不封條已沒苔玉宇瓊樓隨處是直疑身世
在蓬萊

出郊

新年晴霽少及此出郊看野寺花猶待春城雪易
殘過橋防木斷取徑趁泥乾雙鵲前村噪無入下
井闌

池上閒坐

百年難得此閒身鎮日池頭噤坐頻
止水一泓清可鑑寒瓊半割淨無塵
禽聲在樹如求友竹影搖窗若瞰人
牆外好山排畫障不煩買得自為鄰

蓮葉為舟圖戲為俞若野

蓮葉為舟幻想妍東西南北戲魚天
何如易隻如船藕送上詩狂太華巔

糶官米

官府開倉糶官米吏胥蒼黃市估喜
貧民日糶米五升販夫夜載如流水
官價平皮陽切市米藏官米盡估價昂
官倉米少糶三日大戶私倉齊過糶
侵晨

窺園詩鈔卷二

十六

匍匐向市門亭午依然垂橐入赤腳
頰肩日力窮鬪薺作羹無粒食聞說
高原下隰田土不龜坼山出泉十日
雨暘更時若今年黍苗勝去年周官
荒政曾聽受樂歲阻飢古未有吾儕
愷澤非所望年豐但勿開官倉

伐楓樹

朝聞伐楓樹暮聞伐楓樹斧斤朝暮
伐不休楓樹如人已將仆震風昔藉
為帡幪今日難庇樹下墓伐者何人
墓中孫子今落魄為孤貧深山不少
荆與棘忍摧墳樹充饕餮老婦執斤
夫執斧大兒健擔小兒伍三日不聞
伐斧聲忽聽逢逢打喪鼓始

知前日伐楓人今日亦來葬此土嗚呼早知爾死不旋踵胡不少雷待木拱

三月廿五日內子舊病復發時子因邁厲疫移榻東頭病正危篤不能掇視廿九日內子去世嗚呼一室之中不出三宿而生離死別交并一時伉儷之傷真有倍於尋常者病間追悼成詠

病肺經今十數秋居恆信宿便能瘳那知大難當來日早有烏啼屋上頭
同眠並恙恐相妨襖被東頭暫判牀猶記關情雷一語待渠病間就來望

窺園詩鈔卷二

十七

前年恐我病膏肓情願求天減紀當祿薄定經冥判改替他把李代桃僵

誰將魚目混珠璣死後傳真挂壁西悔不早教卿自寫楚材何處認賢妻

蘭心蕙質想芳姿死別生離并一時可恨桐棺誰匠斷不雷通替啟封屍

鴛衾與子夢同甘卜姓情深勸再三我自讀書無種子非關菱草不宜男

林下相攜偕隱居草堂秋雨臥相如多情最是雙星節香汗微霑為曝書

繡佛堂前膜拜慙一心供奉炷爐薰為余祈福更

祈壽齋致諸天不如葦

菱花繡幔總凝塵錦篋香奩不忍親我亦將書束
高閣短檠伴讀更何人

黯淡陰風冷總帷一燈虛位設西移清齋七日重
營奠弱女相攜又當兒

昊天不弔竟何辜隻影伶俜似我無豈是天心憐
孝婦黃泉也遣事翁姑

娣如肩隨似友生泉臺先後亦偕行寒門不幸有

如此翦紙招冤弟與兄

弟媳俞氏與兄
子相繼去世

內顧中廚已積氛作羹洗手賴誰勤婦賢反為慈
姑累白髮盈頭哭少君

窺園詩鈔卷二

六

相送輻車空復還一朝冷落傍茅菅暫時藁葬休
余咎贅世王樵定買山

空齋無匹歎匏瓜但覺餘生等畫蛇不為當年同
穴誓逝將一鉢託生涯

寄亡婦

驚醒鐘聲百八敲癡情猶望續鸞膠愁御使鬼還
垂橐苦我如僧慣打包蝴蝶漫將魂去化鴛鴦好
託夢來交從今中饋空貞吉不讀家人第二爻

亡嬪次韻答

剝啄誰來鬼市敲荒雞最怕聽膠膠畫圖會替都
頭李闌節難通鐵面包身縱歸根無葉落心猶連

理有枝交君家輔嗣能談易擬向先生卜卦爻

亡嬪寄

十年結髮兩溫存沒齒寧辜枕席恩度索有關常
禁鬼浮提無旨放歸魂望夫須踐三生約宴爾休
遲再香婚庶慰他時寒食望添丁攜奠墓前尊

次韻畚亾婦

夢裏猶疑故劍存病時容貌向時恩從知見帝難
因鬼何處呼名得返魂河鼓似曾聞信誓蹇修胡
不理幽婚匳中纏臂雙南在定鑄優夷佛一尊

七夕

明河清淺碧無塵花氣氤氳露氣新今夜曝衣樓

窺園詩鈔卷二

十九

上月那堪偏照絕絃人

中秋無月

家家瓜果簇庭闌兒女情多候玉盤誰識嫦娥有
瓜葛今宵憐我不團圓

秋日書感

百年扶病強登臺愁緒紛紛觸眼來風葉漸隨飛
鳥下寒花猶自背人開閉門豈敢稱高蹈作賦依
然媿不才自顧此身羈雁似斜陽影裏獨裴裒

牀下聞蟋蟀

嗟爾同遷客飄零欲傍人階前棲未穩牀下急相
親悽惻驚殘夢悲涼愴予身不須懷對泣白髮已

更新

焚真

昔聞李夫人隔帷如在霧此理殊未然母乃術幻
故庶乎潘安仁伉儷情彌固遺桂在壁間對案儼
如晤內人蘭蕙姿淑慎敦厥素芳芬既竟體溫柔
絕嬌妒崔徽久成疾恨未寫真付一旦喪其真遂
受丹青誤咄哉俗畫工脂粉強傳傳譬如玉樹枝
盡被風塵污橋真撫殯宮追悼一長訴隔茲三寸
棺呼之不得寤何如入滅佛茶毗付一炬削檀為
木主永倩紗廚護晨昏一炷香靈魂夜來赴

蔡穎峯寫秋雨山房圖見寄賦會

窺園詩鈔卷二

二十

涼雨經秋洗碧梧多情為寫草堂圖閒雲常在山
中住良友真堪畫裏呼遠溯宗風慚大令最工書
法讓君謨有緣福地重能到雁宕天台定不孤

余庚子歲至甌未及過訪穎峯有詩見訊再

作奉答

憶到永嘉今六年吳山之下偶隨緣過門不入吾
豈敢興盡而返古有然五字詩尚負孤嶼一夜潮
已乘青田聞君昔在雙門住桑梓或亦辭異傳

挽趙丈石函

一家八口寄江干老去傭書苦自存旅舍有孫難
託命故鄉無主為招魂十年未向牀前拜三世均

叨門下恩山計經時猶未到心喪此日孰來奔
見說餐霞老駐容道遙湖上不攜筇尺書才繫春
前雁宿草驚聞歲在龍身到闔棺誰定謚筆曾作
塚自為封一尊清酒無由酌矯首西州淚滿胸

六逸圖

笑傲滄洲逸開元並擅場風流紹晉癖結束愛唐
裝自號酒中聖人稱竹下狂徂徠山色在髣髴舊
時蒼

武林懷古

臨安半壁孰貽謀忘却高天不共讐藝祖兄終曾
弟及靖康生辱豈臣羞忍將北宋為南宋可是杭
州勝汴州漫說西湖風月好長教懷古益人愁

窺園詩鈔卷二

廿一

題蔡穎峯訓牧圖

童蒙求我向茅茨不在斤斤文字師注澗薦坡林
谷應大家齊唱牧牛詞
巢由亘古兩先生衣鉢真傳鑿與耕不比後來竈
下養牧羊牧豕盡公卿

窺園詩鈔卷三

平昌厲喬王夢篆文沙

正月初二夜偷兒鑿垣入室盤中食物傾倒而去

昨夜東陵客公然效鑿坏春寒無吠犬睡熟豈鳴雷不攪青氈去徒懷白腹來盤餐吾忍惜溝壑汝堪哀

偕弟賡虞展白驢拙庵公墓下宿溪西莊舍
春晴天氣佳山色漸非故龐公練日行出郊謁先墓
叮咛或偶經溪橋凡屢渡農家新節過麥隴勤春務
沿源一徑微但可逞徒步舍輿我導前隨行
弟偕赴樞衣上層岡松竹森排護宿草有餘情況
茲邱隴樹所期賢子孫耕墾守寒素舊德未云遙
徘徊恣睢顧不聞飢嗥烏忽驚狡竄兔遙指溪西莊
悵然下山去

由溪西取徑滌上

朝起懷歸途要我滌上行幽邃契山心褰裳從所請
竹色染衣裾左右森帶暎數里入雲梯轉忘登陟
病初春蟄未驚輕雷筍已迸回視山下田縱橫
落阮阱山泉響琤潺磴确疑無徑咫尺林巒迴忽
通人外境不必武陵源中有田千稜犬吠深山中
聲與林谷應室廬無襍處彷彿朱陳姓雞豚散町

畦兒童闖戶扃不湏人賃春碓落山泉勁素無捷
徑由迂途吾亦甯偶爾獲茲遊茲遊將何詠

朱吟陔廣文署中閱童子試名冊

春風領童冠濯濯刃新磨名字尋常改里居檢校
過時難儒業少土著異鄉多西去通閩嶠其如踵
接何

有懷羅蘭塘故侯掌教開化

十載邗江問訊遙新安聞赴絳惟招孝先那顧嘲
便腹元亮從知懶折腰此日爭鳴無異學舊時傾
蓋有同僚春風百里樟潭水便欲乘舟趁短橈

閒居有感

窺園詩鈔卷三

二

連年地已辟窮鄉處處荒山盡藝糧宅借一廛多

雁戶溪流百折少魚倉那堪薪桂供爐耗山間櫛櫨為閩商陶

盡殆但博淘金荷鋤忙東鄉居辰多且喜麥隨風裏熟綠

陰門巷尚清涼

隋馬行為賴守戎賦

平昌山徑鮮坦平幙頭嶺下盤渦深石壁垂藤峭
十丈頰肩鐵柱聲彭觥昨朝守戎來走馬狹路相
逢負擔者隄防不及馬忽驚一蹶霜蹄墮崖下驚
地入草颯聞聲僕御倉皇棊不成目瞪空從壁上
觀人馬那知死與生守戎具有神勇力半空飛作
跼鷲疾翻身遽出坎窞險躡波還向駕駘叱馬兮

馬兮死即休骨非千金何足收但得全軀畱報國
那論折臂博封侯嗟俄頃登彼岸善泗能使吳
兒憚振衣不藉舁籃輿牽來別騎乘款段歸去賓
僚問訊稠依然談笑凌滄洲不識漢家當年飛將
軍亦有垂天之翼似君不

七夕次吟陔廣文有感韻

隔水盈盈盼望愁雙星今夕喜相侔縱多離索幾
行淚終占團圓一度秋破鏡已分天上去乘槎難
向斗邊遊繞闌我亦同烏鵲三市無依空逗畱

陔蘭圖為朱吟陔廣文賦

南陔之詩亡自昔誰其補者晉束皙南陔之蘭辭

窺園詩鈔卷三

三

本無更誰寫之以為圖蘭生幽壑本香草細葉靈
根看俱好自有瑤花潔白開考亭才子圖蘭陔陔
蘭不必殊幽壑別具馨香資寄託堂上椿萱向晚
榮階前棠棣輝花萼佐爾晨羞潔爾餐君家備有
天倫樂而今司訓來平昌示我金題玉躡良一枝
折得花在手染出芳蘭竟體香近世丹青誰畫聖
茲圖涉筆皆天性柔色能傳孝子神怡顏逾起門
人敬葛屨荷衫但率真竊笑衣冠學優孟幾回握
管欲題詩盛德誠難贊一詞但當重乞玉鴉又浣
手薔薇細讀之

送吟陔廣文游石門

名山結遐想夢裏亦相逢快蠟阮生屐遠尋謝客
蹤寒巢空鶴鶴飛瀑濕芙蓉片石多題詠煩君剔
蘇封

龍游道中

十里清溪響石淙盧陵上下幾多峯家家山業都
栽竹直抵通侯千戶封

五日湖上觀競渡

天中節屆醉蒲觴競渡西湖不異常水戰曾聞開
霸越龍嬉誰是痛沈湘衣香畏日移船避旗影趨
風趁午翔笑謔強隨年少樂一如竿木戲逢場

小方壺

窺園詩鈔卷三

四

外邊湖接裏邊湖千古風流白與蘇竹閣柏堂陳
蹟香遊人但說小方壺

煙雨樓

圖畫天然一幅生不須煙雨更空明波涵倒影清
如鏡柳護長隄碧似城此地游蹤推獨勝吾鄉遺
蹟愧同名吾郡烟雨樓
僅存舊址到來卻恐成虛度橐筆題詩記

晚晴

朱買臣墓

五十功名恨已遲熱中早著負薪時徒多故吏驚
懷綬却少前妻歌伏雌辱不甘心難自退禍因旋
踵又何辭只餘衣繡還鄉日快得恩讎報已私

贈金萼巖比部

高館依城堞桐華懸額道

桐華館額為沈歸愚先生手筆

敦盤開燕會

宸履繼風流

今考檢一先生燕會頗盛

荷氣清無暑蟬聲遠若秋蒿

師三日住輟棹惱淹留

岳武穆銅爵歌為金萼巖比部賦

桐華館主多文富敦盤尊彝兼窮究就中爵杯如
鼎蹲青銅樸素無飾鏤上鐫小印款識留知是相
傳忠武侯金銀鑿落那足數碧玉屈厄難比儔主
人愛客桐華館北海清尊客常滿興酣攜爵出鑑
賞請客數典無停玩或謂岳侯早喪師朔望設爵
一奠之或又謂侯後喪母口澤猶存行進酒盞藻

窺園詩鈔卷三

五

蘋蘩季女尸捧卮應出銀瓶手或聞下士更禮賢
雅歌投壺侯素嫺母乃取此為罰爵對酒設樂恣
喧闐或稱好覽經與史古人不醉反為恥我侯三
爵自油油儒將風流端在此須臾攜爵來我前我
言此爵殊不然想侯信義勇可賈恢復功成在左
股那知剋日期渡河不料含羞忍割土中興將帥
臣有君南渡朝廷子無父恨侯生不操此爵犒軍
痛飲黃龍府縱然雷爵在人間徒使英雄氣喪沮
眾客聞言席俱離釋爵蹲蹲各起舞請擊此爵當
唾壺佐我仰天歌嗚嗚

杭城旱熱

萬戶愁乾旱平疇空費耘入城渾似火出岫總無雲綆短泉難汲舟膠橈不聞夜來仍暑氣危坐待宵分

朱吟陔廣文偕赴杭城相招陳穉峯齋同寓當門除蔓草畱客見情絲同舍依炊釜分牀割坐氈但求封有蟻休賦食無鮮時章斷屠沽酒錢誰乞還來擾鄭虔

昔問韶華巷今來下榻親三人懷白社兩姓合朱陳况有湖山美同為風月鄰相依無檢束渾忘客中身

望雨

窺園詩鈔卷三

六

晴天月額又空過汗滴翻如雨滴多酷暑侵入眠不得夜深還為看銀河

望雲日日倚枯藤瘦骨那堪焦炙乘忽漫逢人相問訊江東米價一時增

六月湖田未插秧棹楫處處省空張大官已禁屠門嚼只許清齋學太常

聞說中丞禱白衣徒行親祭舞雩歸如何妙智無窮手不放慈雲一片飛

地懸百里杳鳴雷東浙山川浪作堆聞過江大雨底事雨師公道少尋常不肯過江來

火傘高懸似火城正陽官閉禁人行諸公莫便呼

庚癸已有倉鳩喚雨聲

上下湖乾涸轍如料應漏網亦無魚吳門有弟艱
消息相遲還家慰倚閭

靈隱

孤飛鷲嶺一峯青來與華宮作戶扃踏閣已無千
佛贊尋僧為買二幢經仙真在昔多棲隱猿鳥於
今亦効靈盡日緇流勤諷誦微微遠梵出林聽
訪徐一菴中印庵不得

竹徑芒屨信短筇幾回問訊緩遊蹤聞君只在僧
樓住却是僧樓第幾重

由上天竺翻郎當嶺下龍井

窺園詩鈔卷三

七

住山身未能出山意不肯纔別香林行又去捫壁
領晴巒鬱以深石磴紆而迴日脚不到地但踏青
松頂山北轉山南上嶺復下嶺前眺江湖寬下聆
風篁靜日落巖翠滋竹屋數間冷問訊下山樵相
隨詣龍井云有神物藏歲旱應見請惜無淨公流
一呪魚躍影

十四夜萬松嶺步月

酷暑日侵人出門不可步遷延秋已交蒸鬱仍如
故城中井水乾郭外掘泉渾那敢惜寸陰未午先
望暮三五近中元團團海月吐披衣向山行但覓
無人路路旁青松林影似黑雲布人生無百年累

纍松下墓適屆孟蘭盆織竹具饌素倒懸能解不
緇流喧法事風颺鬼火明齊向梵筵赴

孤山尋林處士遺蹟

漸覺稀遊履艤舟背後湖波光搖島嶼人影散樵
蘇斜日澹又澹高山孤不孤梅花三百六誰是舊
時株

蘇小小墓

瘞玉誰將此地傳一抔殘雪自年年東風也似憐
顏色多遣花飛宿草邊

岳忠武王墓

英雄氣喪盡南都碧血千秋葬此湖冤獄甌猶遺

窺園詩鈔卷三

八

兩字渡河恨並絕三呼精忠牧豎皆能說褒典祠
官究不孤落日樓霞森宰樹風號寒粟起肌膚

陸宣公祠

顧問隨行在元興播越俱官標唐內相學統漢醇
儒竄斥心遑恤量移骨已枯崇祠隆異代宸翰
炳西湖

表忠觀

吳越稱王異姓錢臨安割據想當年時同周室東
遷後地有高宗南渡先負國朱溫雖未討多才羅
隱却能憐更餘一事書生涉使我常思警枕眠

西湖十詠

一麾出守濬西湖十里葑隄尚姓蘇曉色入春渾
似夢六條橋外綠模糊蘇隄春曉

看雪何如踏雪殘泥融沙軟半陰乾過橋便是孤
山路好為梅花探歲寒斷橋殘雪

雷峯莫漫辨雷回老衲何從問刮灰勝蹟至今雷
晚照孤標不共夕陽頽雷峯西照

繚闌綠淨長新荷照水紅衣漾淺波有約日來惟
少女納涼時節最情多曲院風荷

一輪宜水更宜秋况際湖光瑩不流月自無聲秋
有色夜寒人似玉壺游平湖秋月

黃金梭織綠波紋斗酒雙柑自不羣轉恐春游屐
窺園詩鈔卷三

屐鬧畫船簫鼓襍聲聞柳浪聞鶯

花家港口水瀰漫到此人都俯首觀多事東風偏
解事飛來花片供魚餐花港觀魚

七寶莊嚴倚翠屏黃昏初上佛鐙青鐘聲未了人
聲了三百僧房盡掩扃南屏晚鐘

從來色相一空潭底事潭空判作三月到天心齊
暎照了無罣礙許相參三潭映月

南峯高並北峯雲金粉胭脂總俗氛天外翠翹焱
遠舉雲中髣髴見雙君雙峯插雲

登六和塔

到頂身如鳥盤空出絳霄還憑生羽翼直自上扶

搖目盡東西浙曾吞龕赭潮回頭重抗手喜就鳳
凰招

江干

東望浮龕赭西風首獨搔江移沙渚闊潮入海門
高伍相鷓鴣夷怒錢王犀首豪不勝懷古意眺覽助
揮毫

浙江觀潮歌

廣陵八月江濤盛雪山高與鳳皇並竭來六月盛
江濤增高六和為動搖一線初從海門見天吳盡
卷澄江練鬱儀已死日車翻江上風雲色俱變
鼉踏浪乘長風奔隄噬岸氣如虹水不行地天倒
水直疑江與銀河通更有江船不及避撥船轉向
潮頭換瞥眼見潮不見船儻船又出潮頭地或出
或沒波浪間岸上人觀盡愕眙昔聞錢氏能射潮
潮去頭低不敢豪今時杭城正旱魁城河而月舟
船膠湖田下隰皆槁壤桔槔不用農人勞潮乎潮
乎爾胡不為薄城壕流入城河當雨膏

舟行順風遣興

昨宵水宿曉寒生放櫂中流午又晴估客推篷貪
野眺篙師攤飯穩風行千林紅葉兩崖樹百里青
山半日程如此泛舟殊不惡閒身渾似白鷗輕

舟過桐江

江村最愛鷺鷥名，過此常深仰止情。列宿尚尊爲上客，真人那可屈。先生魚憐臺下鱗，多紫水到瀧中。汲倍清，夾岸高山青，不了來時便有畫眉聲。

赤津度嶺

野渡初登岸，歸程漸近雲。到山疑路盡，過嶺覺天分。井底茆茨見，溪根石瀨聞。孤亭閒眺望，不共息勞筋。

冒雨宿大谷嶺

急雨暮紛紛，山容冥莫分。客投村店火，人喚嶺亭雲。歲稔關心問，鄉音入耳聞。重經畱宿處，應接倍情殷。

窺園詩鈔卷三

十一

哭次甥耀

修短真難問，皇天太不情。早亡傷汝父，失學恐吾甥。與兄曠同就傳余舍未卒終年讀，翻令一命輕。渭陽空屬望，

有造竟無成。

慈母九熊助，嚴師威楚加。肩隨知序雁，背地好塗鴉。抱病眠猶誦，窮辰數莫差。預知戌時死可憐三日速，不及昇還家。

臘日將赴關川磐溪朱文瀾止宿邨居廿七

日大雪作別

偶過書堂晉接殷，呼兒掃榻供鑪熏。誰能歲暮猶畱客，我况情疎乍識君。祇小住偏成信宿，不多飲

已到微醺解人膝六催歸去一路梅花踏嶺雲

除夕

辛盤臘味暗傷心慈母憐兒意轉深為我妻亡女
又嫁故將婪尾勸多斟

市上猶聞索酒緡倉皇燈火走踈踈鐘聲偏較雞
聲早催送殘年不待人

煖熱糝盆火已生年年去最關情算來無計能
畱住也想蝦蟆添一更

寄懷梁山舟先生

先生先世有梁鴻熱不因人性與同早晚簪裾辭
大隱獨持布粟挽頽風湖山正待謳吟及月旦全

窺園詩鈔卷三

十三

歸碑版中醉墨臨池容我乞揮毫嘗為作忿忿

題陳稚峯層巒疊翠圖

萬壑千巖暝夕暉東南台宕是耶非瀑流束石爭
飛雪山翠和雲欲濕衣鳥背道通僧閣迴杉皮屋
到客筇稀此身便與天游衍莫問元關并佛機

送燕

呢喃一別去烏衣哺子辛勤又各飛畫棟舊巢無
恙在春風望爾尚南歸

木芙蓉

岸上芙蓉花婀娜宜映水一種傾城姿臨風愈可
喜城主今屬誰母乃女仙吏我欲去褰裳桂楫不

可弭再拜託文官寄我相思字日暮不見人潛馬
傷彼美

哭朱文春橋

去歲桐溪握手勤那知死別即生分秋風不見傳
書到落葉翻來作訃聞名著江東曾有集恨餘冀
北未空羣平生一掬窮途淚遙奠深山又哭君

寄慰吟陔廣文

祿養緣親在一官涕淚餘夢懸千里訊唁託數行
書高士致芻去門人罷社虛漫嗟風木恨晚節有
潘輿

微雪

窺園詩鈔卷三

三

昨夜竹牀衾鋪鐵破几瓦瓶冰凍折曉起庭院如
水清牆外諸峯微有雪不抱瓊瑤入市城得無滕
六雙足則吾鄉地氣殊嶺南底事頻年踪跡絕雪
乎雪乎原隰麥邱仗爾來農夫粒食信可哀天邊
霽景且勿開

大雪復歌

江東接歲米價昂中州盡室翻移荒果然造物哀
黎庶復遣瑞雪來堂堂農人歡喜三白作中田有
麥心則臧晨突無煙快見此興趣亦與同飛揚頃
刻林巒富川景萬瓦鱗鱗麩堆井馬得藉手湯餅
調旋令洛下無飢枵聳聳昂霄助詠詩詩就門前

雪尺高雪高盈尺誰經過外間休擬袁安臥

哭童省齋外舅

賢婦先翁去夜臺送翁無及已堪哀那知我亦終
天憾不例兒為屬纊來鰥處十年情獨苦烏私一
點志難灰可憐環紱纜收涕又聽高堂哭老萊

輓毛丈聖與

三載閒官冷不羣角巾計早返榆枌從來著宿占
星宿此後修文屬廣文伯氏授經如父事先生盛
德已兒聞山深素紼無由執遙致生芻一奠芬

蔡穎峯冒雨見訪余值外出晚歸始晤

閉門不省打門頻冒雨林宗墊角巾縱有犬迎曾

窺園詩鈔卷三

十四

宿客已無鶴報未歸人拔釵沽酒空前事翦燭論
文贖此身不必與君重嘆逝料應舉目亦傷神

黃公已散舊時墟謂山友貧賤交情近益孤假館聊

為安虎僕授餐終望恕鰥夫煙雲供養徵難老風
木悲涼失故吾羨爾籃輿隨處舛遨遊一路有兒

扶偕兩世
兄同來

葉覲揚招飲為題穎峯所贈畫

無定陰晴正入梅主人遲客撥新醅隔溪山雨晚
來急客未到門雨不來
燈前對影共三人妙手空空信絕倫一醉不知誰
主客忘形都是畫中身

聞鳥

高天隘八垓睥睨雄萬古四海盡版圖窮鳥亦航
附供給富金錢挂席利樂土側聞井底蛙激成負
嵎虎壤接千里遙消息恐鈕鍔此輩本王民無乃
失馭撫帶甲滿海濱毒熱鑠山隔山空叫老鳥對
面如人語疑從七閩來為訴翱翔苦園林黎棗繁
長竿揭鳥羽相顧復驚飛欲啄不敢取一片黑雲
都落葉紛難數高廩既空虛中田尚苗黍避地丈
人屋豈不推愛汝尚多中澤鴻嗷嗷已待哺爾鳥
慎勿嗁啼多徒傷味昨聞遣戍兵吞聲淒更楚

葉芥舟先母舅遺照冊子覲揚表弟屬題

窺園詩鈔卷三

十五

人生無百歲百歲等朝昏壽考豈不貴所重賢子
孫孫子誠能賢脩短安足論南陽我自出舅甥誼
夙敦甲子行未周遂有龍蛇屯舅子甫弱冠長懷
罔極恩烏私殊未已積誠為寫真真又不一寫十
年再傳神紅顏與霜鬢初終歷四旬今渠非昔渠
後身即前身寒暄四時具有真意存或非怵霜
露定然懷清溫世人三牲養存亡詎等倫今我與
舅子中表呼子舅攜冊索我題孝思亟為伸勿以
丹青故花木徒吟呻聊此叙情話質樸見周親

六橘山房圖為族姪宗謙題

包犧畫八卦奧啟天地秘六爻相參錯重之六十

四吉一悔吝三唯謙無不利吾宗小阮咸肇此命
名字松菊舊閒居楚橘補嘉卉不羨千戶封僅取
六株藝一樹一丈辭並蓄龜筮意六書著諧聲茲
附假借義降霜金丸垂壓雪細葉翠燦爛星斗繁
襟糅文章麗俛焉日孳孳讀易戶宜閉山房寫作
圖座右銘壹志君子慎有終橘性防遷地勗哉化
枳心毋忘踰淮忌

題茹茶室示甥曦

蓬首經營此屋廬苦茶已茹十年餘燈前每製熊
丸藥架上猶餘馬服書種竹經冬宜護筍留賓治
具好烹蔬師資望爾能成立慎勿蹉跎負倚閭

窺園詩鈔卷三

十六

徐萼堂蒲團成佛圖為姦妹索題

泉臺十載斷音塵世上誰非夢幻身似我縱然後
死客輸君猶有未亾人
慧珠雙手數兜絲寫出觀空趺坐緣祝爾生天成
佛去詎同花藥託張仙

蕭然

蕭然斗室半跣趺經卷繩牀間藥鑪非佛地同僧
院靜在家人似客身孤一腔血已難重熱兩鬢霜
偏太早鋪顧影了無婚嫁累翻疑造物獨憐吾

俞雨齋少女温温月夜彈琴

滅燭湘簾深復深中郎有女愛橫琴夜來香閣無

人至彈與風姨月姊聽

蠟梅

菊後無花事殘年此獨開鑄成真蜜蠟染出小細
梅預表先春信剛逢送臘杯林園宜竹暎是月更
須栽

百六日展內子匱

熟食年年作荒園筐篚陳鵲唬宰堵曉花發殯宮
春賸有招覓客更無答拜人黃泉寬火禁爲熬紙
錢新

贈俞雨薌女壻劉郎

女壻翩翩似婦翁嬌姿秀出少年叢無瑕美璧寧

窺園詩鈔卷三

十七

非寶有石他山自可攻春到書堂深柳碧人歸花
徑小桃紅天台舊許劉郎入疑與仙源歲月通

錫姪縈名以詩勗之

幾度商量錫汝名一燈竊取讀書縈漫言太乙分
藜照且效長庚繼晷明艸架豈徒誇萬卷董帷還
看下三更蹉跎莫更師諸父五十衰殘已不成

苦雨感懷

苦雨蒸淫一月週無家門巷不波流排簷似下窮
民淚比戶通懷祀國憂牆角已摧成宰堵禾苗又
報沒甌婁俄傳澤畔冤冤泣葬骨江魚不可收

大水歎

戊申五月二十一溪水入城高十尺受災偏在城
西隅沸地波濤如搏激百堵高牆一吹摧勢奪坤
輿無氣力棄蹤惟知負父逃褰裳或復援嫂溺就
中嫠婦少提攜抱柱梯空延喘息釜沈三日斷炊
煙腳赤頭蓬面黧黑夜來山鬼共為鄰燐火熒熒
互明滅長隄高岸盡摧殘遑問中田疆與場昨聞
天災傾東南歛睦三衢更慘感盈寧百室葬江魚
江上冤冤招不得吾鄉幸免作波臣好生誠荷皇
天澤縱沒禾苗萬頃田甘心不上災傷冊

送耕畦之武林

近聞歛睦似淮徐十萬波臣河決如汝去鸕鷀灘
下過休因買賤食江魚

窺園詩鈔卷三

十八

今歲吾鄉有漏天寒衣六月總裝緜秋原禾稼看
多損待爾歸來理廢田

侍膳

每侍高堂膳常捫寸草胸那堪兒喪耦反累母尸
養義敢師王駿情惟重蔡邕含悽因勸匕忍淚強
怡容

自秋徂冬不雨

半載蒸霑半載晴堯湯水旱一年并風沙北地看
相似豆菽南山種不成春碓久荒難脫粟釜鬻易
盡但轅羹東郊十日迎春近會有霑濡待歲正

籬落梅枝忽已橫一年時序轉崢嶸不多寒作去聲
仍回暖幾點雨來又變晴歲饑苦無蘆可斷腸枯
賴有茗堪烹中宵還為看箕畢拄杖閒階耿小明

梅花

玉照人間貌得無玲瓏冰雪賽肌膚自從贅了孤
山壻生下女枝屬老夫

贈雨薌移居大隄

舊住興賢里名今大隄移家相近愜幽棲宅分一半
從人典銘有東西祇自題愛客堂前常設榻看山

門外好扶藜我來更喜中郎女時弄琴聲出綉閨

今汝能彈琴

窺園詩鈔卷三

十九

廿七日觀市

殘臘人歸市芸芸趁日中時艱昂物價世久變民
風巷口蠶衙似街心蟻垤同閒觀憑袖手又是一
年終

正月初二夜雨連日霑渥

改歲纔三日沾濡非一朝無風梅落雪經雨麥扶
苗造物豈終已生機自覺饒因知人壽域不在慕
松喬

出郊

卅載羔裘敝相依共歲華春回人日雪梅帶客年
花籬落無重護柴門自一家出郊新霽好隨意踏

晴沙

馬戍嶺

吾鄉多峻嶺侵雲名最著適從嶺上來遙遙見馬
戍相距十里餘爭長兩不怨飽飯馬埤邨褰裳一
徑去磽确棄耕民黃茅高於樹百折始造顛脚力
難撐拄以此敵侵雲信無多讓處祇因落荒險
巖罕人語始知名實間多藉吹與噓今遭所歷親
感觸少躊躇皇皇途未窮催人日易暮

銀嶺阻雪

昨上銀嶺行聞名輒驚訝山神釋我疑遂勸滕六
駕塵戰鞭玉龍擾成雪一夜凌晨窗罅明早有白
光射起視銀嶺間鋪銀名不假快哉昨夜雪應為
嶺長價吟成阻雪詩敬為山神謝

窺園詩鈔卷三

廿

題鮑氏館壁

時主人已去天都

高堂十日託悒悒芳訊天涯遠未通煩爾屋頭烏
鳥語歸來為謝主人翁

南山虎

南山有虎北山有狐狐假虎威蒙皮負嵎解一孰謂
虎猛順之則喜叶搖尾乞憐樂狐之媚解二曰人畏
虎自應畏皮人不畏皮予胡樂乎虎為解三言張其
牙言施其爪為狐啞人大與狐飽解四爾虎之苛猶
自為政胡為肆毒惟狐是聽解五虎乎虎乎人則何

仇爾狐爾狐胡不首邱六解嗟爾城狐洵得憑依三
都時墮終寢處爾皮解七

雨薊學稼以詩贈之

聖人重農桑教民先稼嗇郭外苟無田簞瓢誰供
億隴上或輟耕何以活邦國而況士與農相代兩
不賊讀書貴務本之子良有獲揮手謝時趣抗懷
尚沮溺雞犬並移家中區半宅獠奴二三輩雨
晴聽主畫媿予筋力衰蹉跎終家食何當課桑麻
相從北山北

毛丈海寰堂前盆梅二株是其五世祖手植

蓋天啟年間物也詩以贈其昆季

窺園詩鈔卷三

世

詁曲蟠梅世幾經儼如玉樹映階庭土花已碧傳
天啟瓦鉢能全見地靈棟蓂一門成老伴雲仍七
葉有餘馨何當雙管憑張藻寫入生綃紀典型

臘月二十七夜雷雨交作

疾雨爭春早初雷響歲闌祇疑天易怒致使夢難
安情煖蟲飛出窗明電閃看不須吹玉笛料得落
梅殘

元日微雪

雞唱殊他日寒號易五更燭花開始旦瑞雪佐書
正袍戀羔裘黑盤添獸火赭一杯長命酒慈母奉
先傾

詠竹簿

斫得南山竹編排廣且脩有如一葉穩只稱兩人
游泛水難為宅看山勝坐兜更容安瓦竈煮茗荻
花洲

石佛嶺

頑石何圓滿千聲作佛呼諸天無倚著端坐儼跏
趺破寺雲根出輕輿竹杪扶山僧煮茗待隨意拾
樵蘇

登郡南城樓

孤城落日萬山稠倚劍來登陴上樓巖壑常分處
士宿風雲猶屬帝師州市無南宋魚豚稅地接東
嘉水木幽頭白書生慚洛下那堪重憶少年遊

窺園詩鈔卷三

廿

重登萬象山

十載登臨地重來散旅愁蓮花深井落柏葉比鄰
稠風景無殊昔荒涼又及秋悵然下山去返照冷
城樓

早行

昏燈照塵壁一飯辭旅館林翳曙未開月黑路微
辨既露草露零復觸蟲網冒傍驛數家眠茅檐無
驚犬

松陽道中

滿阪空田稻課完人家不禁放雞豚陳年曉諭牢

亭壁過客巾車歇寺門墻影漸隨殘照沒山容忽
改夕煙昏溪橋落葉添吟思踏去芒屨響腳跟

題畫

山外寒雲雲外山松風流水響潺湲主人采藥去
忘返一夜柴門不上關

哭女甥則

往事不可憶其如觸緒牽聰明反汝累嬉戲動吾
憐重以中郎感馮將左女傳那知珠在掌一脈又
無緣

哭後母鄭太孺人

一月那禁兩痛殤女姪女甥
先後日亡衰年病易感憂傷送終

窺園詩鈔卷三

廿三

無及嗟予季三弟唐虞
弟未歸大難何來咎彼蒼泣竹未能

供孝筍生稊還為屬枯楊而今只藉靈牀撫猶得
相依阿母傍

撫我恩同育我偏兩般罔極一般天作羹地下輸
新婦負米生前媿昔賢得見有時憑短夢欲尋無
路向重泉料應此日三喪晤也為孤兒感涕漣

遲兒生告知母柩

中年伯道母關情飲痛麻筵歲已更媳婦勉遵遺
命娶孫男不逮未亡生悲歡似有時參半人鬼終
無術合并一炷柩前憑報訊呱呱落地可聞聲

清溪泛宅圖

雲岫無心出寒樵徑欲迷
斧聲飛谷中宣室鬼神
低貌向波心寫詩還鏡裏題終朝天
東西

琴心諧

佳

窺園詩鈔卷三

窺園詩鈔卷三

齒

勉遺

半人鬼終

耳可聞聲

狗馬常相從帝亦饗主人置酒宣室中宣室鬼神
將夜哭殿前幸有東方朔

司馬相如

長卿年少倦游梁漢代詞名獨擅場一曲琴心諧
伉儷千金賦體重君王才多自具凌雲氣病甚難
求消渴方篋裏空遺封禪藁何如諫獵在長楊

有感重賦

歸來梁苑返成都邛令交情絕世孤才子方能真
好色英雄若箇不窮途高車駟馬題橋柱犢鼻單
禪賣酒壚可惜王孫同肉眼也因建節給錢奴

哀十四

窺園詩鈔卷四

三

巍巍太后詔堂堂安漢公上世禹稷難惟公包始
終一朝負宸羣臣獻媚今日符讖明日圖瑞紛紜
制作夜不遑寐攝皇帝假皇帝新皇帝縱令天子
有遷除那免賊臣無篡弒引經据典出愈奇協之
于今哀十四

赤紙詔

上古無廢堯後世多舜紹龍行虎步人事湏如此
了傅亮請還都爲具禪詔藁零陵操筆書赤紙何
草草此事本甘心好似投降表徐公誠小過涕泣
亦太早百官哭臨朝三日不爲少

大甕狗

天哀忠臣孝子後故畱義獸大斃狗嬉戲袁家數
歲郎騎同竹馬常馳走一旦禍起及門誅草薙禽
獮難逃藪不道門生負故恩抱郎出首遭毒手天
地鬼神如有知泣涕呼號哀乳母喪家之狗勝君
嫠能殺主仇不用嗾狄子狼心狗不如人頭畜鳴
真可醜至今義士炳千秋只有陳嬰與杵臼

褚淵

褚公素清譽易姓肯投誠身已著黃襪眼偏多白
睛司空欣乍拜名士竟難成遂有期頤壽誰令歎
不平

金蓮花

窺園詩鈔卷四

四

齊宮有趙鬼能讀西京賦大起芳樂苑鑿地金蓮
布潘妃行其上輕盈花散步縱使凌波仙見之亦
生妒金屋貯阿嬌空言何足數此事雖窮奢不負
齊太祖太祖九原如可作真見黃金賤如土

食雞子

江左蕭老公託佛以為命殺牲累冥道蔬果薦廟
寢廣施無礙食腥葷一切屏柰何貪得地反染蠶
食病汲汲納叛臣倒戈授之柄臺城真佛國一旦
為陷穽幸有雞子多不用熊蹯請口腹終累人持
戒恨未淨荷荷成佛去竟受口苦應

張嫦娥

光昭殿中圓月影仿佛廣寒宮闕冷婆娑桂樹白
兔馴玉階香拂游塵靜中有嫦娥別姓張羿妻奔
月空馳騁後庭狎客侍君王夜夜酣歌迷不醒采
鮮摘豔被管絃臨春妙曲爭新穎但恃長江天塹
險邊書絡繹曾不省南道兵臨朱雀門橫戈如入
無人境下殿倉皇計已窮提攜投入臙脂井井中
連臂共埋香卻恨軍人得脩綆從知叔寶欠心肝
難保嫦娥完首領賞心亭外有冤冤時時白練光
難冥幸遇阿廢亦解人他日為君報高頰

同心結

楊那羅可柰何廢勇立廣誰教可今日獨孤始誤

窺園詩鈔卷四

五

我人面由來總不同獸心早已包藏旣太子無禮
却有情定情禮物重封裏盒中非玦亦非環願結
同心雙殼瑣不須梳子共綢繆若比丁香更貼妥
可惜夫人亦帝允不及綠珠樓上墮逡巡畏死一
念難憤恚徒然仍卻坐試問君王儻賜酖深宮何
處能逃播可柰何楊那羅

畫日筆

有唐世盛四海一天子當陽畫紅日命官制敕始
畫此不在湘東三品律鴟梟賣國慣獻諛偷活河
中一十七一朝得遣詣行臺拜殿皇皇郝先屈如
椽早製三十枚先貢當陽畫日筆那知此筆不中

畫當陽畫出當場粉墨郎

忤特進

長安宦官典軍政一朝歷刼遭崔允草薙禽獮不
愁遺畱得監軍猶在晉晉王時需蒲博錢給賜伶
人忤特進曹太夫人親詣門小兒已受鞭笞訓老
奴据拾三十年助王世世懷忠蓋那知不聽七哥
言主讎未滅丁唐運歸去晉陽死即休從此唐官
皆灰燼埽除內寺古有然宦官何必無賢雋

前進士

表聖隱中條柳燦徵之起失笏示衰野高躅良可
喜荆臺流寓人去就兩難耳去恐禍及身就則重
違已斟量去就間白衣侍尊俎高公亦可人先輩
崇稱謂晚披鶴氅裘騎來牛背偉借問此為誰乃
是前進士兩賢跡或殊先後表同揆

馮道

蕭后抱六龍瀛王歷五季千古兩臣妾寵遇更無
貳

石太尉

厭作皇帝婿好為兒皇帝早知新天子為汝殺從
騎何如一心事周親不失臣節石太尉

血影石

妙畫天然為寫真狀元石上有夫人紅顏一貌難

埋玉碧血千年不化燐
豈許緇流窺色相
好隨羅刹薦
繁蘋可憐陰雨淋漓後
洗出愁容倍慘神

王文成公

逆濠倉卒沸狂瀾
摧破南州拊手完
豈待兵符回玉帳
不煩廟算下金鑿
謗書直欲騰三篋
匏繫翻成贅一官
天末孤臣操慮苦
驚弓猶為緬黃冠

楊忠愍公

十罪櫻天怒糜軀
三木親泣炊無老僕代
疏有夫人一鳳空
鳴世百鸞竟殺身
九原伸毅鬼應得
禡姦臣

近郭

窺園詩鈔卷四

七

近郭多臨水
居人盡枕溪
插秧青沒隴
奔浪白侵隄
孤閣雲銜住
千峯雨壓低
扶輿氣候變
似與漏天齊

夜起書興

夢醒初更後
殘膏冷壁釭
冰涼秋在枕
雪亮月當窗
兔影驚棲鳥
蛙聲敵吠龙
蒼苔閒覓句
清露滌吟腔

八月十六夜看月有感

纔得中秋一夕過
便無人再賞金波
廣寒宮裏娥應笑
真箇炎涼下界多

溪上

楓林落照寒茅屋溪流靜時有杖藜人過橋扶倒影

十月廿九日賡虞三弟四十生日

汝遲汝嫂十年生兩度懸弧嫂作羹今日又逢添

汝算更無嫂喚小同庚

內人同日五十生前
每呼叔為小同庚

有感

浮雲西北蔽昆侖白日那能照覆盆自是山中無
宰相却教井底有公孫琅當豈畏伸強項蒲服終
難落後跟從此江河看日下斯文吾道莫重論

如許頭顱攬鏡頻素衣還未染緇塵從佗嫂罵遭
官長只合沈酣近婦人粒食雞羣難並啄泥蟠龍

窺園詩鈔卷四

八

性自能馴先公邱隴何當返舊業弓裘續海濱

輓童織文

屏跡荒園隔市塵終身澆灌不辭貧昌山小邑無
多士苦節能廉君一人

還往生前未有媒心知原不在陳雷鄉鄰慶弔吾
無與獨為黔婁視斂來

背月夜坐

冉冉峯後雲團團溪上月湏臾絳高樹木葉已盡
脫鋪地如水寒中庭半明滅我獨坐檐陰深宵難
可說豈不愛冰輪相對玉壺澈所畏竊藥娥照見
頭上雪韜晦况所甘及此藏醜拙差喜室空虛四

壁生皎潔清光不到處孤懷更幽絕

下鄉觀沙磧淘鐵有感

僻壤憐磽确那堪沙汰頻乾坤畱利藪商賈役窮
民破碎川原改漂流舐酪淪遂令經過客飲水亦
生嗔

航頭訪鄭明德先生故居不得

平江教授宦游初無復維桑問故居把釣航頭曾

有里持螯左手獨能書先生臂疾能左手書自號尚左生清華閣名水木

西明山名秀樗散風流北面餘藝苑僑吳留一集詩

名繼起更誰如

春深

窺園詩鈔卷四

送雁寒偕去聽鳩春已深密雲開暝色宿雨積城

陰麥隴搖新穎秧田茁細鉞潛移看物候惆悵野

人心

詠雪

九天咳唾盡仙才忽漫霏霏玉屑來入夜有窗皆

月到非梅無樹不花開微茫莫辨山河影冷豔堪

為詩酒媒莫道草茅難富貴頓時粉飾作瓊臺

舟次富陽

乍過桐廬縣還停富渚船波光涵月上涼意動秋

先有客自吹篷將漁來扣舷一痕青隱隱髻鬢越

山川

入越

若耶溪水綠生波好趁樵風訪苧蘿入剡名山天
下少過江修竹鏡中多六陵誰復尋南宋三日人
猶說永和 不識少微何處是夜來還為辨星河

禹陵

特買江船謁禹陵傳疑窆石仰模型當年風雨來
羣辟終古山川走百靈蚪斗有書藏宛委龍門無
意誤圖經 天潢明德淵源遠釋幣曾聞遣使星

鑑湖

十里山陰道好山似畫圖方千何處宅賀監舊時
湖一曲莼菰美千秋琴鶴孤不須愁應接儘有暇

窺園詩鈔卷四

十

工夫

蘭亭

會稽內史擅書才楔事曾於此地開帖到唐臨人
罕購亭非晉址客還來徑迷曲渚惟生草門掩荒
祠盡沒苔借問隔垣修竹訊青青都已屬僧栽

吼山

幽尋無路入翠壁鑿將空花許樓頭見舟從石腹
通潛鱗深避日過烏疾生風誰為圖經補名山著

剡中

懷范少伯

少伯功存越江東未立祠典章前代闕明哲後人

師名以居陶晦書能致富奇黃金空鑄像千載起
遐思

西陵渡江

滿載西陵渡揚帆勢不停江澄吳練白潮落越山
青沙市人如豆舟心客似萍幾年懷鏡水回首記
初經

舟行石門至嘉禾

越國山看盡吳門船尚乘采菱八月雨抱布五更
燈鄉有語兒好橋偏啞子憎名亭何處址吾亦落
帆曾

訪吳澹川不值

窺園詩鈔卷四

二

問訊詩人家已移落帆一昔悔來遲門前花落看
如雪留我蒼苔立片時

姑蘇懷古

破楚門開閭闔通畫船來往錦帆風自從采藥為
逃藪不斷吹簫作寓公春去可憐隨越女秋來何
處入吳宮胥臺麋鹿多荒草轉瞬繁華事已空

秦伯廟

采藥高風邁等倫託詞遠竄自求仁偕行有弟投
蠻俗至德無心表魯論揖讓唐虞名獨擅周全家
國迹俱泯數傳公子延陵避又見清芬續後人

師子林

元朝倪高士破產傲邱園畫裏人難到廬中蹟尚
存石無非是竇松似不生根妙手空空具小山詎
足論

滄浪亭

勝蹟滄浪一曲渠湖州長史此僑居近來舊價重
新長又屬文家待詔書

支硎山

支公飛錫此曾停姓氏千年亦號硎馬為飲來何
處磻鶴當放後尚留亭無錢許乞山難買有客閒
尋泉可聽終古石門長不掩青鞵布韞記初經

寒山

窺園詩鈔卷四

三

近寺幽先得到門暑欲殘鐘聲夜半響山色古來
寒衣桁惟施衲梅株不屬官官籟亦勝蹟

刊

千尺雪

山寒泉亦寒愛此千尺雪有時山雨飛濃翠紛以
積

法螺菴

言游法螺菴徑造法螺頂流泉注其中高下一時
領

天平山

絕頂高堪仰真疑天與平攀巢衝鳥出裂石透僧

行衲補雲為絮匏斟水是羹下方雞犬靜蟻垤視
吳城

范文正公祠

聞公入相一時傾西賊猶欽富甲兵持論不虛知
已薦立朝首負黨人名莊田州學當時澤澗芷溪
毛異代情佳氣靈巖應不泯祠堂松柏蔭先塋

虎邱

峯湧知何代傳來自海濱客星終日現花市一年
春金氣全消虎香魂亦化燐幾多羅韞步踏作輦
紅塵

游靈巖

窺園詩鈔卷四

三

遙瞻孤塔勢空羣指點靈巖路入雲松翠滴衣晴
欲濕湖光照眼雪難分野花有徑香誰采步屨無
廊響不聞傍晚鐘聲知客去出林相送下斜曛

橫塘

橫塘西去更過西橋畔烟邨夾岸齊山色迎人落
天外波光直接越來溪

石湖

看碑小憩草堂隈領略無多雨又催好與輕舟重
卜夜載將明月一齊來

畱別吟陔廣文

時將重赴
栢蒼司訓

返棹吳門復過從尊前莫更悵離蹤劉郎自有重

來日會在桃花洞口逢

訪蔣山堂不遇

青青十畝綠桑陰，剝啄空來扣戶深。自是閒雲常出岫，乘風去住總無心。

奉謁山舟先生不值遲歸得晤喜而有作

為訪龐公冒雨來，牀前空造使心猜。不期叨廁孤山客也，動逋仙鶴報回。

小草多慙薄蒂，萋遙沾化雨。感栽培十年私淑，頻螺館今日親聞緒論來。

雲棲

香臺縹緲逼青霄，直達中峯路一條。心為聽泉先

窺園詩鈔卷四

古

自洗寺緣看竹不知遙，僧房戶戶梯雲宿。仙梵微微作雪飄，到此真遺塵世想。恍疑下界隔昏朝。

山舟先生為重訂拙藁

本是龍門峻，年來况養疴。聞名見面少，得貶勝褒多。高閣詩容束，斯言玷可磨。春風坐未久，爭柰別離何。

次韻贈童鹿舛

豪氣輸君尚未冰，老猶雜誦澈秋澄。談詩客到忙烹茗，濟勝人邀快裹藤。月色曾懷千里共，風光又算八年增。僑居得與高齋近，步履隨時興易乘。吟陔廣文以畫梅題記見惠內附寄贈絕句

誤寫姓黃戲作小詩奉謝

同名昔有陳驚座異姓曾無大道王詩派吾將宗
黃九帶令莫便笑溫郎

送華煦堂昆季還西安

翩翩羣季謝家儔伯氏偕來一月留笑爾曰歸辭
我去故鄉當作異鄉游

張荔園廣文詩來索秋蘭次韻奉畬

席上幽蘭先有主已許泰山舟先生一時難作贈文無容當
重覓供紉佩騷雅憑君續左徒

登妙高山絕頂

造極高方妙妙從高處來亂山皆入井長瀟獨登

窺園詩鈔卷四

五

臺呼吸諸天近蒼茫倦眼開摩空羨鷹隼雲路任
翔迴

九日

重陽節物最關情豆莢饀餐滿碗盛算為黃花作
生日一尊先合祭淵明

新春對雪

去臘梅飄雪無花枝已空今看花滿樹卻是雪縈
叢羌笛吹難落春泥點易融頭番信便爽任怨有

東風

周香舟齋頭綠萼梅花

僊人萼綠舊名華絕世風情天上誇不道遺金跳

脫後淡妝又降小喬家

送王載形廣文還錢塘

薄宦為親捧檄來山城偶絆不羈才一肩藍笥侵雲去眼底千峯盡踏回

天際孤舟望遠頻金釵早已卜歸人江流竹箭歸心似一夜隨潮下富春

題畫

何處蟬聲嘶向空一枝楊柳一枝風多情畫裏逢搖曳髣髴河橋夕照中

九日陸丈太沖偕坊端二阮攜酒山園用淵

明九日閑居韻有作奉和

窺園詩鈔卷四

六

龍鍾陸夫子扶筇將二生為言其有核來赴陽九名就予山中席放眼高且明足音動空谷足然喜聞聲登高必自下二生方妙齡酌以茱萸酒敘彼婪尾傾豈敢委衰謝黃花有晚榮而况親與戚話言頗有情臨觴學新詠典型在老成

蘭溪城

蘭溪溪上高築城城中城外多人聲城外人從城下走城中人在城上行城頭紅牆照城角城下通門汲溪淶溪步多停花色船船梢少婦工裝束雲髻巧梳新樣頭簪花都變舊時俗青裊雪葛軟含風雲白銅嵌鑲紫竹淡巴菰包紫荷囊一呼一吸

香雲撲勾引鄰舟年少郎一回一顧看難足無賴
東風忽轉西布帆又挂夕陽低贏得同舟估客伴
乘風一路說蘭溪

阻雨江渚

大風自西南一霎迅千里雨點來如入浮漚響於
履雲霧低壓山沈之入江底湏臾布江心疑墮雲
海裏仰亦不見天俯亦不辨水回顧一葉舟始覺
住脚地未闢混沌初可想當然耳

送維觀占南宣其諸族子還永嘉

矯首吾宗隔海涯永嘉每飯不忘懷一株仙果本
同樹遷地寧隨橘化淮

窺園詩鈔卷四

十七

先公薄宦想當年寄籍慚無繼起賢一語為傳諸
父老家貧只有舊青氊

羣季翩翩收族來賢勞空使涉風埃但憑魂夢偕
行去再拜先人隴上回

山舟先生書來并賜後序感謝有作

江城千里隔雲岑自別經樓感望深不喜應酬常
託病得交文字轉輸心陳言削去憑雙管寸札傳
來抵萬金媿我疎才邊幅窘恨遲聽受奉規箴

山舟先生惠謝蘭詩次韻奉會

數莖蘭草劓雲岑難得先生屬望深祇好為花添
一語在山泉水是知心

贈陸丈太沖

憶自春風拂絳幃忘形使我得因依吟成詩便攜
鈔定不了談常傍晏歸徑草行多應踏徧瓶花坐
久覺香微一瓊無負便便腹福慧如君近亦稀

書感

世事遲還見人情歷漸諳是頭那足責非手不湏
譚裘故寒仍戀文多富亦貪一編常傍枕樂此老
猶堪

寄張東谷廣文

阿連親謁子雲居爲說高情霄漢如兩地不忘千
里駕八行先寄一封書有言敢許張元伯無負還

窺園詩鈔卷四

六

思陸敬輿

謂太沖廣文

此日託投文字契他年畱記定交

初

周西垞移居

近市憑君葺草堂辛勤似燕爲巢忙明窗大好安
毛穎紙閣真宜著孟光客到兩三非折簡形忘上
下不分牀醇醪久已推公瑾未飲先教入醉鄉

陸古漁廣文見過小園適余外出有作奉答

昨日聞君過小園褰裳我正出郊原未曾有約來
看竹却悔無人爲埽門玉照惟憑梅寫影蒼苔還
認屐畱痕相思應役今宵夢翠羽吟魂侑一尊

陸丈太沖冒雨涉水赴毛晉三飲有作見示

戲次韻答之

文章陸海藐江河入市翻勞不襪過今日豈徒僧

有髮

文自號有髮僧

又添兩足白於波

非江非汜亦非沱不棹漁船不着蓑便腹風流傳
別樣脫鞞撐傘走街坡

疊前韻

偶因折簡赴西河阻水還為嬉水過人世若能同
此涉何妨平地有風波
抱薪爇火說滄沱小邑無城免覆蓑不是先生便
赤腳誰能飛過學西坡

乙卯水災重發後即目

窺園詩鈔卷四

九

眼看溪水漲七載兩懷山負郭田皆沒居民堵不
環屋斜憑杖岸斷轉弓彎沙鳥知余意飛鳴相
與還

偶成

兩鬢星星老漸成得閒心跡喜雙清讀書上古人
如見閉戶鄰居面亦生暗壁圓光穿瓦竇晴窗破
紙響風聲晚來更有枝頭鳥為報歸巢向我鳴

題吟陔廣文所貽錢籜石先生畫蘭

我家有素蘭蓄之三十載春時花相親常時葉相
對一如同心友交友久情彌耐經師考亭裔見之似
心愛為言籜石叟善寫此生態而况文詞宗老手

稱先輩近者為余乞長幅寄裝背數莖花秀幽一
拳石向背即之在畫中睨焉疑盆內兼貽尺素書
蘭言接馨欬此花非解語此畫堪意會分明寓乞
蘭姑以茲畫賚容當分厥本奉充君子佩題詩記
雅貽金蘭誼斯在

與陸丈太冲話別

平昌君宦游在歲之辛亥便腹真吾師宜乎號陸
海絳紗帳高懸諸生奉模楷篆也忝忘年氣誼于
茲在詩篇迭倡酌常為去渣滓杯酒相往還同澆
曾塊壘中懷日以親無間風雨晦歲月忽侵尋鑽
燧已五改一朝歸思濃不俟瓜期逮為言抱采薪
手版自投劾一觴敬餞君此別歡情倍頤養勝祿
養知足信無悔而況世講賢潔白陔蘭采所媿貧
賤交為贖乏貨賄戲言資笑喧燈花爆蓓蕾

郊外

不出郊來久林巒又一天山耕人代犢稻割路移
田野店扉常鍵街亭瓦不全夕陽雷照影對我聳
吟肩

中秋無月

中秋猶記去年時丹桂飄香月滿墀今夜嫦娥嬾
抱鏡省他照見鬢添絲

寄薪傳從兄

髻年相處勝同胞底事參商老轉拋雲縱能閒常
出岫鳥無向暮不歸巢已將書發重新啟為有詩
添再補交一語寄聲行不得鷓鴣權當喚花梢

即事

身似閒雲入市過風光隨處足吟哦出山樵每鋤
蘭至去郭田皆種麥多野水通橋新斷板沙隄被
漲舊傾河誰家少婦溪頭澣滿鬢花紅映綠波

送陳聖佐尉永安

聞君奉檄嶺南天舊雨關心喜不眠莫道為貧今
始仕却能作吏便稱仙辦裝縱少鍾離助贈策還
須祖逖鞭我只一錢囊底剩衰殘筋力薄如綿

窺園詩鈔卷四

廿

蝴蝶會有序

張荔園廣文與同人結綜雅集創為酌例
各攜酒一壺有一楪名蝴蝶會並有吟詠

愛其比物屬辭與古樂府題義相仿饒有
風趣足為藝林佳話踵賦四律遙寄和焉

鳳子今番莫浪猜醉鄉深處小徘徊菜從江上挑
將去醪合牆頭泛過來自是香名人並擅若非文
字飲無媒不須更作金錢斂隨意吞花月幾回
品物無煩紀食單或雙或隻總相安甕頭春好探
來徧席上風生聚作團兩部蛙宜陪鼓吹五侯鯖
許雜杯盤開元士女爭遊戲那值詩人一笑看

不用滕王妙手揮盤餐只愛飲芳菲酒籌應采花
來當鶻政還呼爵並飛酌處似聯香令坐醉時好
向漆園歸一春豈為繁華戀總與鷗盟共息機
雕蟲雅集勝龍華兩字諧聲妙莫差每為提壺催
曉齊便攜摺疊拂香葩標本作疊見西陽雜俎遠遠競鬪新詩草
面面相覷醉眼花藝苑從茲添韻事不教無逸擅
名家

女夫敬堂詠風箏美人戲以和之

有美妝偷半面成輕裾飄去步虛行采鸞幾誤為
同伴飛燕宜呼作小名似學女工添弱線賺他兒
子愛傾城風光可惜無多日信是紅顏命薄生

窺園詩鈔卷四

廿

豈是東皇擅寵尊下迎五兩便承恩風迴掌上真
能舞月在雲中似欲奔片紙翦來誰作俑高樓隨
去自招魂笑卿美豔終何有勾得人都送目昏

菱妹屋宇被災牆垣傾倒勉力修葺詩以慰
之

塵世桑田滄海流金波天上一般愁廣寒月裏多
花戶也費嫦娥七寶修

芳婷繡蘭

繡得幽蘭葉數莖傷心似為艾蕭榮可憐雨露霑
無着耽誤青春過一生

畫竹

誰為此君寫作圖一竿生帶一竿枯升斤幾個難
成字恰似西山二子孤

畫蘭

蘭草幾莖拳石旁自家開只自家芳任他山裏多
荆棘挾刺相凌也不妨

題畫

空林落遠風良苗秀長阪茅屋不見人夕陽數家
滿

日落茆簷低溪通略約短蒼苔無屐痕中有高人
嬾

扇頭翡翠為友人內眷題

窺園詩鈔卷四

三

雙雙翠羽比黃金未有佳人不愛簪除却鴛鴦三
十六穿花原少此珍禽

窺園詩鈔卷四

窺園詩鈔卷五

平昌厲喬王夢篆文沙

哀西明

西明名勝由來古秀色不與羣山伍遙峙東郊五
里青橫鎖山城作門戶嶄巖百丈下臨溪一匳翠
黛照眉嫵當年高閣建清華閣下深潭魚可數千
章嘉木比菁莪有似文人衣楚楚夜來水色更澄
鮮山月照人清肺腑村民薪桂利金錢朋比公然
來操斧誰其牧者為民司坐使官山民貸取不為
堂構庀梓材只供饗煇炊瓦釜比瓜蔓抄種不畱
如裸國人露而處可憐山石不能言顏色枯焦氣
喪沮山根枉自有香臺灰劫不能援佛祖於今濯
濯等牛山誰為霑襟泣而俯縱有山靈不自存遑
云鍾毓申與甫培植前朝一旦休起衰更待何年
所安得刑天械斯民永譴鬼薪為囚虜山今空對
夕陽明惟有桑榆西替補

窺園詩鈔卷五

贈馮鐵斧廣文

羅刹江頭舊結茅辦香道古手勤鈔

手錄杭蕙浦先生道古堂詩間為箋

註才多偶仿魚蟲注官冷不為猿鶴嘲工飲詩偏

除酒詠

有集成唐人句截去酒字詩一册

忘言友只對山交清風我亦

叨披拂竹裏時來剝啄敲

題周紫軒扇頭畫梅

絕世孤標寫本難
憑君不用畫中看
衙齋自有鳴琴宰
清與梅花共一般

贈殷圃耘明府

小邑風和靜不譁
循良稱宰語非誇
琴堂聽政人環堵
官閣看山吏散衙
芹獻只能憑竹簾
冰清特為寫梅花
聽談父老攀雷意
祇恐秋來又及瓜

奚鐵生畫梅為圃耘明府題

鐵老橫斜寫影看
賢侯清與並高寒
春風百里花為縣
四野梅都願屬官

題洞房畫荷

誰寫荷花入洞房
寫花不為寫鴛鴦
分明留待齊眉偶

窺園詩鈔卷五

二

當作鴛鴦立畫旁

凌波僊子並頭身
雙影紅分臉上春
若問此花誰得似
燈前試看看花人

戲贈小伶永彬

花裏清歌幾度聞
往來見慣倍情殷
最憐口授相思草
先吐巫山一朵雲

那堪頭白作蒹葭
僥倖來將倚玉誇
祇恐旁人多誤認
錯傳老樹又生花

記你來時春已殘
驪駒誰為挽征鞍
東風不是周郎借
那得好花畱住看

時寓周西垞家

妙高山

青松一徑響風濤到此都忘登陟勞山也似懷虛
已意中藏空谷不矜高

魁樓

佛地蓮作花星樓魁在斗花光襍星光晝夜一池
有

翰墨池荷花

山中芙蓉花日夕無人賞唯有浴鳥來隔花作聲
響

采
亭亭出污泥昭質原不滓不過採蓮人自家發秀

妙高山僧舍

窺園詩鈔卷五

三

人世滄桑易變遷青山面目總依然別開竹徑畱
初地高結星樓換一天小草認來都是藥空花散
盡尚餘蓮驚心太史談經處追感人琴已卅年謂章

北亭先生

八月十三日六十自誌

年來更覺此生浮草草行過六十秋一味嬾鞭祖
迦策兩回著破晏嬰裘長眉始得尊稱佛當面偏
多人喚叟喜值 上皇無量壽華燈滿市夜還遊

送張濟川歸東甌

雙星節後約還家累得閨人望眼賒幾日行程算
應到為郎夜夜卜燈花

節到中秋有舊聞月中桂子落紛紛今番相見張
公子應拾天香遺細君

輓葉作先表姪

並工
星醫

胸貯天星操術奇凶徵前定已先知玉棺早製真

賢達

年近四十
即自置棹

金匱無方可藥醫白木一枰為老友

青衿兩耦是佳兒誰知大阮齋頭晤便是今生永

訣時

題黃庭萼往來甌括閒圖

一葉輕舟泛水涯半年作客半年家分明學了鴟

夷子定有人兒來浣紗

為想君家去住情一回相送一回迎但愁小婦司

窺園詩鈔卷五

四

中饋只愛畱行厭餞行

華瑞京以珠蘭茶箋紙見貽

雙瓶瑞草貯蘭香中有珍珠百琲藏不是撐腸萬

卷客那教容易許他嘗

一卷詩成覆醬能薄貽厚報剡溪藤洛陽貴紙雖

先買未必題來價便增

過訪瑞京不值

宅典方干半屬鄰空房窺進寂無人中閒一席攤

書地隔著明窗便隔塵

秋海棠

思婦從來說海棠西風曾下淚千行果然畱得啼

痕在便看花人也斷腸

輓俞若野

十年矍鑠早稱翁鎮日嬉游藉短筇
天上城今應到看花一路入芙蓉

一生作達孰愚賢鬼錄何多讓
佛仙若說遮須非樂國有誰曾肯返黃泉

輓葉春華表兄

櫻筍纔同赴飲醇登萊俞君招飲席間一語如何風燭便沈淪
抱疴猶祝孺人壽五日前猶令諸郎為朱孺人祝壽屬續終完季子姻
十室

並推五福備七旬只欠一年春
從知世事難憑準弔賀相尋總不真

窺園詩鈔卷五

周香舟書室

五

三間傾倒屋如亭屋內青山面
作屏帖為學書雷乞米室唯居陋
可題銘破牆愛自揮蘭補多病
嗔妻說酒停還有一端容爾獨
忍飢猶誦案頭經

贈黃庭萼

寄跡吾鄉廿載餘忘形爾我有誰
如往來甌栝之間客卜築荷花以
內居甌郡城南地名荷花片語許人無諾責

寸心處已若舟虛何當共踐青
鞵約看瀑龍湫賦

遂初

寄懷麗水邵亭帚明府即用見贈韻時居停省垣

陶令辭官動去思清名十屬盡聞知
人懸千里艱

謀面心許一編託寄詩鶴縱無糧支客館鳧還有
烏奮天涯但求叔度親能見不枉生前憾抱遲

梅影

寒梅一樹隔牆開不見橫斜映綠苔只有嫦娥能
寫影替他移上紙窗來

山行

百六清明去幾朝青青隴麥已齊腰有村在樹煙
還出得友同行路不遙新筍白生歸市籬野花紅
襟下山樵夕陽傍晚人猶戀照影相隨過板橋

閒詠

繞屋扶疎綠盡遮清陰移處晷痕斜看書有味飢

窺園詩鈔卷五

六

還忍記事無珠老更差蜂誤入窗迷去路蟻潛屯
礎識還家閒來覓句哦難穩費手憑誰算幾叉

讀山舟先生詠蟲窠詩奉次原韻

雕文莫漫笑斯蟲物巧真能奪化工倒挂別開新
混沌寄居合號小玲瓏如囊無火偏藏智有竅鳴
秋亦透風甲子須臾塵劫換客星原是舊東翁

原序

文莊公與嚴
氏賭棋所得

再和二首

啟蟄靈蟲已子虛星移猶剩此巢居堅牢克敵蠟
蝨塞篆刻疑披網罟書化去定應偕脈望歸來只
合夢華胥費他多少網繆巧值得仙基一博餘

豈獨巢居又穴居
文心遠勝蛀書魚
蜂窠密密圈相似
卵殼非非想
不如一局仙
碁柯已爛百年羽
化劫還餘天然玩物
無傷雅巧匠空煩琢玉
蝻

家蓄紅蘭一盆
荔園廣文以詩寄贈中寓屬

望兒輩意甚深有感盛誼依韻報謝

當門敢比謝家除
根似分來朱戶儲
入室人猜蹟面後
同心君憶點頭初
但將摩詰黃磁貯
未雜東華輒土鋤
若得此生霑竟體
不辜濡染感何如

示遲隨

齒亂栽培重植根
授經只在自家門
有山得住依君子
無伴相於友弟昆
讀破書非如蠹蝕
識多字

窺園詩鈔卷五

七

要曉禽言十年樹木
關情切莫負良弓一片恩

輓邵亭帚明府用前韻

想聞消息慰遐思
宿草翻因問得知
君已居停來弔客
我還覓寄和貽詩
誰言廉吏為非可
爭柰他鄉生有涯
雪棹敢煩安道泛
終緣坐誤子猷遲

夜來香

禁用夜香字

繼畧奇花賽玉蟲
芳名最稱女兒叢
自隨赤帝來承露
一到黃昏便受風
翠奪眉邊蛾不妒
訊傳夢裏蝶能通
祇愁雲雨陽臺散
狼藉殘英鴛鴦帳
中花姿也似學嬌羞
故把芳心暗裏投
小婢晚來先到手
窈娘浴罷此當頭
最憐少女推輪送
只怕仙

娥當藥偷人在後堂常滅燭隔簾透出不須鉤

送甘劍池至浦城

三載西江書寄頻看山到處滯征塵不忘舊雨來
千里替卜新阡葬兩親高誼那能酬碧漢銘心奚
止勒貞珉逢迎早有前途約一月居停又向閩

舒樂天明府遷溫州司馬後重蒞遂昌作此

奉贈

作吏原無自在身遷官轉致涉風塵使君今喜能
還我勝任從知非異人棋未著殘終竟局花當開
後又逢春竭來儘有桑榆補坐聽垂簾臥治民

寄贈永嘉項子奎

窺園詩鈔卷五

八

故國吹臺繫所思雲鴻猶記爪雷時登樓我自同
王粲瀕海人皆說項斯知己不逢難作畫看山獨
往但吟詩縱無半面曾相識三絕風流又在茲

題畫

胡蝶窩探花
此及第意

蓬萊仙蝶一雙雙隨著東風上苑忙恰好流年逢

己未就中都是探花郎

懸笥瑣錄施樂賦蝶云莫怪東風多落
魄三春應作探花郎正統己未果及第

杏園宴罷列僊班箇箇宮花插帽還多少飛英吹

滿地總無一片落人間

衰徵

壯志如何便肯灰衰徵件件坐相催物才面措無
尋處人已年陳忽夢來當暑有時綿尚著看書非

鏡眼徒開那堪夜又添新例欲睡還須酒作媒

元旦

婦女忻忻起早晨簪花掠鬢各爭新老夫也把衣裳換免得人來笑我陳

芸案梅花注瓦瓶晴窗相對受溫馨呼兒兩個同來到舊歲生書誦我聽

舒樂天明府以父憂去職又得狂易之疾作此傷之

捧檄為親志莫償自來凶信況淒涼一官已去僧寮寄萬里難奔子舍喪未飲狂泉偏害病欲求縮地揔無方歸期為向君平卜但願驪駒早賦將

窺園詩鈔卷五

九

弁隱寺為火焚後三乘僧重建落成

再造諸天起劫灰依然彈指現樓臺寺當未燬遊曾到佛似前生見過來無火傳薪方患熄有金佈地不為災從知竹裏茶煙颺花徑迎賓日幾回

贈傅文川明府

昨投名紙始升堂便覺春風拂滿牀顧我慚非徐孺子知公原是孔松陽公前著松陽仙鳥聽說過前治竹

馬迎多候彼疆似此定移新雨露栽培一樣樹甘

棠

涖治曾無一月周填渠塞巷說賢侯非關風厲民才畏有此循良帝自優署裏竹從朝起看山閒

市每夜來游郎星先後堪輝映舊日臨川今益州
讀前明邑宰
湯玉茗先生

文川明府小阮成齋以摺扇索書題贈

長虞家學有淵源雛鳳看隨老鳳鶩七品郎官憐
小阮一房筆硯共諸昆書聲時出冰壺暑棣萼爭
輝花縣門索我墨鴉塗彩扇為題詩句助吹墀

辭文川明府塾師之聘

芳姿憔悴瘦腰身好似殘花開過春郎縱多情憐
婢子終難學樣作去聲夫人

小小曾經課女紅鴛鴦刺繡未能工若教依著葫
蘆畫花樣無如近不同

窺園詩鈔卷五

贈劉穆亭明府

領袖西江獨擅場才名久已著中央同年蕊榜逢

鄰治松陽王明府與翁
卿又同戊戌甲榜再任花封近故鄉公始任河
南息縣最喜

隨車來雨澤時正乾旱公准
任日即得甘澍非徒報國有文章六詩三

筆師資在敬為南豐蕪辨香

周簡庭重赴韶州索攜拙藁贈其婦翁來定

園賦此代東定園本
籍會稽

繁華近數廣州東聞說陶朱作寓公選壻獨高桑
梓誼能詩更有性情工飽嘗楓驛千枝荔荔消受花
田十里風索我一編煩輾轉得交文字姓名通

桐陰清暑為聲南甥題

瑤琴一曲奏南薰彈入清流石上聞百尺桐陰鋪
滿地擡頭頂上有青雲

輓吟陔廣文

驛使才從月額還等閒作答慰平安霎聞訃恐無
憑準猶把前書再展看

鴛湖烟水枯蒼雲子舍官衙榻並分卅載箕裘交
兩世一門桑海喪三君

春橋先生菽村
二哥相繼早逝

盍簪朋好想豪情賭酒看花過此生可是文官新
赴召蓮城司訓改蓉城

聞說廢車將返輪秋風執紼憾難親薄陳一束香
芻蕘鮑叔生前知我貧

窺園詩鈔卷五

十一

白秋海棠

懷人也似泣英皇瘦盡腰肢澹盡妝月下分明衰
絳見輕彈珠淚一簾霜

哭小妹靜寧

溫柔性格瘦腰身茹苦孀居二十春垂死替郎婚
嫁畢一生不負未亡人

中元得病乍聞知便就牀前視未危藥裏紛投求
愈切誤人悔不守中醫

田廬兩度被橫流小膽那禁怯又愁今更山河經
眼異驚弓此是病根由

乾隆戊申乙卯兩年田園廬舍疊遭水患
今歲六月廿三十七日溪水橫流更甚

虛度人間七九春今朝正是我生身那堪此後懸

弧日為你年年記忌辰

八月十三日
降生百妹七

從頭舊事重思量妹倩同心似雁行不道痛心徐

惟後衰年還賸哭三娘

伯兄無命早年過姊妹今都赴繭窩從此雙親家

祭日往還骨肉益無多

衰年祇望養天和死別頻經喚柰何地下若同崔

嫂遇為言老淚泣沙哥

徐珍傳縫裳圖

徐君生長儒家子中歲棄儒隱於市一塵僑寄來
平昌與我通街居密邇不須學問始見長羨之言
論差可喜家住蘭陵江上邨一年一度歸柴門今

窺園詩鈔卷五

十一

年歸去授衣月恰好寒衣為補綴一燈相對縫裳
人鐙下停針向君說人過中年異少年秋來常恐
受涼偏休論裘結殘繒帛但看衣裝厚木棉終朝
著起生暄暖直抵春風九十天徐君此語心牢記
緜袍戀戀家人意為寫此圖揭遠行畫又長日挂
心旌解衣客館初眠後刀翦猶聞夢裡聲

吳芝麓小像用其自題韻

緜經滌硯課兒閒使我情移五代間金粟作花開
滿樹分來佳種是燕山

八萬三千戶內家吳剛逃下不登霞誰知拋却腰
間斧畫裡來看青桂花

悲孔雀為周傳巖悼亡吳少君作

畫堂孔雀東南飛雙止雙栖無別離一朝骨出都
為汝藥店飛龍去不歸仙娥唐韻寫才罷乘鸞便
駕彩雲下天生才貌配周郎除却小喬誰堪亞一
曲姑恩唱得長十年洗手作羹湯文君會賞當壚
酒不使相如典鸛鷓九張機好工織素織就流黃
絕嬌妒替辦小姑嫁衣裳拔釵還作添箱助一窠
萱草本宜男幾度熊咆入夢探載寢之牀又寢地
空花總是現優曇從此釵鈿置無用鬻來買妾時
珍重絳秀那知娶未成郎君翻把金剛誦膏肓病
恐姑心傷忍死彌畱說不妨郎來執手驚冰冷猶

窺園詩鈔卷五

十三

說風姨扇體涼牀前悲見鴛鴦錦郎在空房只獨
寢夢裏來尋交頸歡醒時獨抱生前枕枕頭蝴蝶
一雙雙曾看柔羨繡出忙可憐變作南華夢欲比
當年祝氏娘

族弟禮英工寫小楷以掾屬為諸公賞識各
有贈言墨蹟裝潢成冊為題二絕句於末

簡

十年辛苦學銀鉤賢宰賓僚接待優握管不辭手
腕脫縱然罪過亦風流

抱牘懷鉛似白魚儒生習氣未全除好憑篋裏珠

璣滿更乞劉公一紙書

謂劉穆亭明府

後大水歎 有序

乾隆戊申吾鄉溪水漲發田廬漂沒而人
無恙今年夏水怪甚皆從山頂迸出巨石
纍纍崩走數十里時又夜倉猝不能逃有
全家覆沒者有夫婦同壓牀死者有登樓
並樓蕩去者且墳墓亦多遭衝沒陽侯肆
虐莫此為甚以視戊申水患尤可慘傷再
為作此以紀奇災時嘉慶五年六月二十

三日

前年水大高沒頸今年大水出山頂水高沒頸猶
及逃水出山頂誰能省況值燈吹火滅時千山壓

窺園詩鈔卷五

十四

雨眼雙迷不鞭秦皇石亂走未命夸娥山欲移倒
下天河向山赴山山瀑挂匡廬布屋裏都為水底
宮門前直接黃泉路中有衣裳顛倒人同牀瘞作
鴛鴦墓十村一二倖免災千人百十難逃數頃刻
狂瀾急箭流山城水已高過樓驚弓縱有前車鑒
縮頸惟登樓上頭矮屋無樓升屋脊大招臯某仗
鬼謀一樓蕩作樓船去樓上猶呼救不休無佛來
將寶筏渡有冤已逐波臣游奇災似此誰能保只
道不如死早好那知地下與人間一般都動陽侯
惱若堂若斧發荒邱元象掘塚無其尤白楊郊外
停棺者狸首女拳一旦休可憐多少新陳骨何處

奔尋壑與溝而今滄海桑田變不用仙人語當面
老我行年六十餘十三年間兩度見再作此告後
人知有時澤國移山縣還有一言說更奇吾郡船
搖城上歸

寄松陽王五峯明府

才優美錦有餘贏五色奚囊更製衣成報國何妨為
外吏題詩還自說書生

明府題吳芝麓小照詩云有人若問題詩客只說書生莫說官

曾來

賓館雷棠蔭悔失輶軒候駟程小草一編通記室
未知可許品鍾嶸

為葉鶴亭表姪題扇

少時百果解稱宗才調翩翩便不庸七業傳經先

窺園詩鈔卷五

十五

序雁二分作隸擅頭龍克承家別營甚墅時營待落別業
成來就菊松沉又趨庭添競爽真如初日照芙蓉

枯柳樹

牆頭柳樹高百尺枝幹扶疎遮屋脊兒時嬉戲古
牆根父老云是前朝植秋冬葉落春夏榮當作山
中甲子歷何來蟻蟻穴其根穿斷九重黃土脈韓
宣空譽嘉樹嘉忽看古木變枯槎偶棲數點鴉為
葉刺有危巢鵲作家樹底柴門長日掩頻驚剝啄
敲簷牙梅雨淋漓今月午南北枝齊一邊頰護持
却似有神靈翦伐非徒免鬼斧將倒不倒擁腫身
連宵風雨人難親初如曝背龍鍾叟漸似循牆偃

僂人隔溪山添露一角比屋瓦不毀半鱗兼旬五
體始投地跌倒無聲驚四鄰君不見杜陵老叟悲
枿樹石走江翻拔風雨又不聞長木之斃無不標
子木罕譬防吳討此樹通靈不與倫輕如弱草棲
微塵老夫為賦枯榔樹記爾枯株死亦仁

竹醉日得回字

五月龍生日此君醉一回逢辰真有節卜晝自無
猜釀好葉為酒斟應根作杯七賢嘗主客二仲慣
追陪西蜀筒藏久東頭篠荷來空傳懈谷裏波卷
渭川隈饌玉廚燒筍生風令爆雷兵能強个个箭
各帶枚枚六一翁豪矣戴凱之竹紀竹之
品類六十有一十千戶大哉殺

窺園詩鈔卷五

十六

青箴佐史飛白罰渠魁肉食無原可算瓢共本該
蕉彈雖不免雪壓詎同災倒載醒難解平安報莫
催常時偕玉立今日共山頽欲舞竿誰揭將眠枝
掃苔如泥容背徙搶地懶頭擡莫更壺提鳥惟思
渴止梅態宜與可寫移合子猷栽花露雷殘溼醪
釀貯舊醅明年稚子長扶老徑重開

夏日偶作

雙趺常不韞拖慣破鞵鬆長日閒方覺炎天睡益
慵涼生蚊晝出冗久蟻乾封近泮池荷發餅花得
採供

軒窗殊向背避暑坐頻遷客至兒逃學人行犬梗

先篝芸香滿室鄰樹綠遮天市上新聞事常聽僕
為傳

客去門忘閉雙扉開及晨僕加當漏瓦犬吠隔牆
人井早宵爭汲倉空歲望新山鳩知待雨屋角聽
呼頻

繡鞵

俗呼滿
牆花鞵

第五句擬易路
上樣心疑剝啄

兩隻花鞵繡滿牆看看三寸殼御量窄容玉筍雙
鉤弋樣奪金蓮一瓣香印上苔痕欺蛺蝶飛來裙
底學鴛鴦脚跟縱帶鞵紅土肯為低頭把眼張

翼堂移居東峯

山城不住住山阿愛向東峯掩薜蘿萬貫腰纏都

窺園詩鈔卷五

十七

費盡一腔血熱尚情多自從桃葉親迎接慣別銀
燈聽唱歌聞說有園常日灌綠葵紅蓼近如何

尹息耕以小照索題

乃祖麟經私淑通謂義蕃
先生雲仍把卷有家風求詩恰

比求官好不礙顏標認魯公

題詩先有弟和兄一是同袍一館甥圖中先有兩鄰
俞君昆季題詩遲

我中央居上面上中未必合鍾嶸

賡虞三弟五十生日

五十懸弧尚盛時弟賢兄事信無虧雙親未葬吾
衰矣三載登山汝辦之風雨但求常對榻荆花何
必不分枝稱觴却妒諸兒姪特地前來祝小詩

四月五日穆亭明府鄒夫人生辰

龍華三日得先庚佛誕還輸慶早生公是東方嘗
遺肉我來北面為稱觥後堂美錦看同製度閣小
鮮樂共烹顏色定知近更好加餐飯已熟青精

穆亭明府招飲

南薰歌罷淨琴張不着衣冠跡盡忘竹院畱賓燒
燭繼松棚移席就風涼天炎精饌多寒食酒熟高
梁助熱腸屢荷憐才真意思只憑報答奉詩章

賓筵今為更生開

謂劉君學海

馬齒翻切越次陪獻子五

人剛比數平原十日可兼該二難世講之官去九
歲孫男出拜來舊事聽談談未了又教茗戰且遲

窺園詩鈔卷五

十八

回

袋後墓門豎石

廿載終天葬已遲靈椿揆攬正期頤青山買得難
為弟白首同歸了作兒諛墓無金求揆誌諱名有
淚墮書碑種松還望成龍日得見荒阡為護持

寄謝松溪真尚赤見惠素蘭

推分如君邁古風素心臭味喜相同贈蘭有累
生乞戲謂甘文衡裁帖翻勞遽使通時值使來以箋對致報半面未侔心

易感一言受諾誼偏隆更番彼此殷勤意都在芬

芳悱惻中

劉學海采藥圖

劉伶昔有隨身鍤畱與後人配芒屨時攜瓜圃帶
經鋤還荷松根去采藥仙花仙草偏山南收拾長
春貯滿籃逃名不賣長安市半學山樵向左擔并
將白面書生貌改着青衣童子衫真箇育長影亦
好那管學仙與學道誰其畫者有深情不看仔細
無人曉分明爲有茹荼孀報答丸熊恩不了倘其
不信儂云然籃中請認忘憂草歸來山響克丁當
月夜還聞搗藥鳥

文川明府重蒞松陽以公事再至平昌喜晤

有贈

一樹甘棠移去栽松川寒谷得春回青山十里平

窺園詩鈔卷五

十九

昌道飛過雙鳧挽不來

百里輜軒風伯清錦衣似返故鄉行賓僚應接真
無暇偏與閒雲話舊情

題畫桃花贈新婚

灼灼天桃正着花花時恰好賦宜家明年此日添
丁了蹟面花紅又要他

哭大甥聲南

夜半來吾弟驚惶報汝危彌畱在俄頃救藥問漫
者此際惟言命奚遑計誤醫如何難少待易箒已
隨時

兩世諧婚媾何辜再不祥甥男同父夭女姪續姑

嬌誰復攜詩定我來視斂傷更無情話處炳燭益
淒涼

貧婦怨

妾命生來薄遭家賦式微根移花自損巢破鳥無
依絲斷空中織鏡分天上飛鮫珠何處洒幽怨訴
湘妃

方鏡

秦皇遺製畫堂懸看進蓬壺似有天對我無慚心
一寸照人誰是面如田塘非半畝波能鑑月在中
庭影不圓祇惜銘詞三十二蟠龍四角欠鏤鐫

趙清獻公有贈白雲菴僧悟禪七律一首墨

窺園詩鈔卷五

二

蹟猶存惟首句蠹食數字不全亡友華煦
堂為摹仿入石今其弟拱辰以拓本見貽

次公原韻奉酬

大筆公原說自家詩畱千載佛徒誇

公詩次句云畱
與詩人大筆誇不

教脈望全餐字得見優曇再現花一鶴一琴隨出

處半行半草帶橫斜從今拓本人間寶豈獨紗籠

寺壁遮

窺園詩鈔卷六

平昌厲裔王夢篆文沙

竹雞十二韻與魏雁題孝廉同作

竹裏標山羽荒禽座浙西
籬裊尋蟻食膈膊引雛
低就暖穿沙浴驚飛拍壘啼本無魚網設却逐鳥
囿攜不解窗前語偏來廡下栖
嬌寧同野雉馴可比家雞對鏡雖慙錦通天那駭犀非雌疑伏卵有
爪免侵泥曾入詩人詠還逃墨客批呼名休認祝
羣立莫攀嵇鬪讓三年帥烹辭百里妻開籠如見
放歸去自提提

寄賀黃庭萼阿郎新婚

窺園詩鈔卷六

朱陳聞說隔銀河今夜同心好唱歌笑我人情憑
片紙題詩遙賀小登科

檀郎扇枕有家風賢淑新孀想亦同洗手入廚看
舉案齊眉先奉兩姑翁

頭髻新人三日圓金釵陪宴盡嬋娟老夫福分生
來淺不得親身看坐筵

歐俗新婚三日備請戚友閨女陪宴新人名曰坐筵聽人平視

宜男階下已栽萱荆樹連枝亦貴蕃一語並為喬
梓祝阿郎招弟爸添孫

爸布袖切歐俗呼父為阿爸

答陳又村孝廉

偶逐閒雲出岫飛不知君到款柴扉幸虧婦女聞
驚座急喚奴星覓主歸

風靜山堂過午餘，問奇學侶退私居。先生領略閒中味，窗外幽蘭窗內書。

離鄉未免動鄉愁，一卷憑為縮地謀。鎮日數來南

宗典，此身也算在杭州。

案置南宋
襟事詩

夏日襟詠

火織當頭天上撐，奇峯朵朵看雲生。扶疎繞屋花陰寂，時有一蟬得意鳴。

不須更倩李龍眠，圖畫能誇自己傳。一把蒲葵搖肉袒，赤雙皎便是神仙。

風流赤帝勝東皇，奪下春花入夏芳。都為女兒供插戴，珠蘭茉莉夜來香。

菴園詩鈔卷六

二

人多入夏動生嗔，我道天長枕簟親。那管河魁犯星宿，專房時抱竹夫人。

修禊圖

修禊羣賢集，蘭亭樂事真。一觴兼一詠，非主亦非賓。此日春長在，斯游迹未陳。只憐詩句逸，惜墨斬鐫珉。

曲水家風古，青山我舊語。衣冠傳典午，人物聚初三。帖勝籠鷺換，文殊執麈譚。至今圖畫裏，芳躅仰猶堪。

潘芝軒閣學以山谷一心呪筍莫成竹句限心字七排八韻課士擬作

臘月栽成竹滿林，雨餘新筍看抽簪。頓將邀客烹
葵意，轉涉欺人煮簞心。下飯何須謀肉食，上番常
自劓雲深。充庖真覺干卿事，迸徑休來問主尋。應
笑萬錢空匕筯，但誇千畝貯胸襟。為畱高士三餐
飽，可輟王家一日吟。醫俗風流姑舍是，累賢口腹
且從今。此君切莫嫌煩瀆，再四叮嚀囑不禁。

贈松陽少尉王雲亭

打頭矮屋紙糊寬，偶值無車步亦安。只要有才如
屈宗，不妨隨分作衙官。每臨肺石敲詩出，時課囚
徒種菊看。似此清貧為吏隱，知音誰與調同彈。

次雲亭見寄七律韻二首

窺園詩鈔卷六

三

青箱世業並宗王，馬齒居前忝簸揚。舊雨為來尋

杜甫

謂傳文
川明府

新知才得見，仇香彌甥年。幼絲蘿托泰

岳情鍾，瓜葛長眷屬。偕行成吏隱，此身安處即吾
鄉。

肥醜明知似孟光，清塵幸奉伯鸞梁。來詩有謂
山舟先生十年

相失，憐交臂七步先施，見別腸。高閣媿懸孺子榻，

通家為唱女兒箱。往來此日詩筒寄，各把中心一
寸藏。

戲題姑蘇看劇畫扇

一灣香水繞勾吳，竿木逢場寫作圖。只是曲終人
散後，臺荒何處認姑蘇。

讀山舟先生鐵畫歌有作

古人作書有鐵畫後人妙悟成畫格此格不出畫
師手創自梅根治畔客大則範水與模山小則翦
花并疊葉葉如刻楮摸有棱花非沒骨敲有聲能
令造化歸洪鑪天巧全憑椎鍊成是鐵非鐵誰復
辨但見花攢葉簇當空撐而今真蹟流傳少寸鐵
鉤金無粉稿某也披吟鐵畫詩讀詩讀畫兩得之
從此名登書畫苑豪華罕購矜奇翫若使伊人今
尚在市門亦有鐵門限

江干觀潮

天吳頃刻湧奇觀玉兔金烏比捷難似此江流西

窺圖詩鈔卷六

四

向走直愁東海一時乾

鼉鼓長驅勢卷雲非徒百里作雷聞江心白馬誰
能倚快製裂韓潮蘇海文

釣臺

七里山環七里瀧高臺天際想冥鴻往來多少帆
檣過盡走先生腳下風

送朱君珏選拔入都

選取明經學使提歲星歷盡又逢雞人如玉筍班
爭立路有青雲高可梯快馬行過江北健新鶯聽
到上林啼少年得獻金門賦即此榮分絳縣泥

冬日早行

雞聲喚醒旅人魂，殘月斜西尚在門。
一角曉分才辨樹，數家烟起未溫邨。
溪乾石磴通微步，驛近梅熏出敗垣。
漸喜路隨南岸轉，輿丁雙影赴朝暾。

送黃庭芎歸永嘉

常年甌括往來行，難遣今朝相送情。
縱使有人憑問訊，不知何日更逢迎。
君歸自得團欒樂，我老尤多感慨并。
鶯鳥也傷求友意，一時飛去寂無聲。

山居雜作

丹鉛環几席，歲月此消磨。
書破替兒補，租催惱吏過。
解愁杯外少，奇想枕邊多。
老健憑天與，吾懷馬伏波。

窺園詩鈔卷六

五

方牀渴睡醒，卷帙任縱橫。
封札來誰寄，呼門識友聲。
詩當書扇揀，香為製囊成。
放學端陽近，兒童算得清。

啼鳥收聲後，無人涼意增。
簷高風落瓦，窗暗月張燈。
課學功才了，編詩手尚能。
偶繙殘歷尾，舊句喜曾登。

鍾馗

終南進士意如何，手握青鋒脚着鞞。
祇恐此中通捷徑，捉來山鬼屬官多。

侍女抱枕圖

楚娃宋豔越心曠，費我猜疑畫裏身。
縱有桃花開

滿樹無言未敢認夫人
抱枕攜衾引步遲分明彩鳳向鴉隨不知今夜誰
消受我欲偷聲問侍兒

祈雨詞

早魃為災歲告凶鳴鉦建旆鬧村農不知土偶無
靈聖爭鼻荒叢接取此奇龍切

列星天上應郎官夜夜齋宮宿雨壇草服黃冠偕
父老徒行三拜學方干謂穆亭明府

疾苦天心似見哀黑雲頭上密相催無如風伯強
梁甚攔住雨師不放來

旱乾那便說饑荒米價才因遏糴昂多少人如湯

窺園詩鈔卷六

六

鼎沸借誰翻覆手平章

喜雨

沛澤三旬失仰望肯來全不費商量盆翻顆顆珍
珠值真是田苗活命湯

洗徧炎歊萬斛塵良苗陌上想懷新上畱下若關
心問猶恐甘霖澍不均

感懷

懊惱吳儂漫唱歌從來造物忌才多黃楊有厄偏
遭閨白壁無瑕亦受磨氣約三分須帶客心埋一
片莫為婆人間世事真如夢到醒其如老至何

硯屏為西垞作

小小屏圍瓦硯傍臨池繼晷有周郎風遮曲尺燈
加亮石抱虛中墨泛光校字每當四五鼓勤鈔奚
止十三行文房器用憑添設聊當銘詞贈一章

周西垞重修其始祖宋教授孔曾公寢祐華
表索詩紀事

團沙作柱說章仙靈蹟中頽又百年幻術從教師
叱石鴻文惜少製擎天城無遼鶴歸來矣墓與顏
烏表異然此日寢堂標仰止先人真賴後人賢

近郭

近郭雙溪抱人烟一覽交城無三版築邑有萬山
包岸草橫琴薦田塍錯卦交梅花驚露眼柏殼正

窺園詩鈔卷六

七

全拋

十九娘子詞調人新婚

支干已午算年庚娘子先郎一歲生月裏仙娥原
是姊好呼弟弟代卿卿

毛女今看下九霄夜來烏鵲為填橋若從天上論
瓜葛十八風姨是小喬

題葉秉恒表弟朱亡姬愛蓮小像

系出青閨朱淑真來從香水締良姻好花可惜難
畱種不學蓮房結子身

南陽夫婿比香肩誓結同心未死先此日高樓空
燕子更無人唱想夫憐

荷花並蒂鏡中開
縹緲仙容得比來
撒手污泥原不染
芳蕊也合上蓮臺

妾為中山孺子珍
他生難贖此生身
看花滿眼都成淚
畱與傷心看畫人

壽陽梅妝圖

梅花點額壽陽傳
新樣妝標新樣妍
莫怪宮娥顰盡效
至今猶為寫長眠

含章當晝臥娉婷
宮禁誰來想亦扃
只是如花人侍立
不知等到幾時醒

次魏雁題韻再題二絕

花飛月額別生春
七日相逢恰是人
似此海棠睡

窺園詩鈔卷六

八

更好不須阿堵為傳神

帝女嬌姿本異常
壽陽夢可到巫陽
封姨亦似慳傾國
特送花魁着豔妝

卑棲

翫世莊生善陸沉
卑棲吾亦遣光陰
碁低且讓他人著
詩好還先自己吟
入海原無不死藥
看花猶有少年心
算來除却攤書外
樂事難從別處尋

族弟養榮移居

為愛臨池別肯堂
阿連日日問渠忙
移居不出烏衣巷
好夢憑生春草塘
正欲看花攜杖履
忽來招飲倒壺觴
最便屋後寬園圃
早赴瓜棚話夕陽

戲題侍女梳妝畫扇

繡閣深藏一段春，珠簾月戶隔天人。世間多少如花女，輸與雙鬟得近身。

七夕答雲亭貽水晶葡萄韻

公解葡萄產屬官，星筵喜助設雕欄。七襄雲錦憑君奪，滿架珠璫為我殘。贈與爭先有鏡，月前蒙貽水晶眼鏡盛來同色苦無盤。飽嘗無物酬甘液，應笑書猷酸又寒。

次雲亭疊韻之作

大小珠璣數不清，連篇斐亶祝年庚。時近賤辰無才擬竊江東集，有命終遺榜上榮。慳我十千錢，買醉負他

窺園詩鈔卷六

九

三五月空盈，衰年愈覺搜腸苦。撚斷髭鬚又幾莖。

次雲亭題畫韻

吏隱聞君擬卜居，秋風不用憶鱸魚。此中儘有閒田地，隨處都堪小結廬。

平生表裏皆如一，也似冰壺一片心。意欲請刪文賦句，不須叩寂為求音。

贈白愚庵明府

接跡貞元拔萃賢，郎官親授主恩偏。問年恰好

當強仕，捧檄先來試小鮮。對案青山長下拜，向治山名拜山

放衙黃被不貪眠。出身本自儒林傳，退食時還手

一編

秋中飛鳥下山城鏡月冰壺一色明

中秋蒞任月大光明

剗切

諭先嚴客訴街亭人聽說官清小詩塗扇憑為贄
大筆如椽敢望評驥足轉愁今整絆江州便起繼
聲名

題白愚庵明府承歡草堂詩後有序

承歡草堂詩一冊明府為賢母于太夫人
作也明府愛切春萱發為歌詠語語出之
至性每於尋常瑣屑中愈見真摯回環諷
誦覺芬芳悱惻之懷溢於楮上今明府宦
遊兩浙太夫人物故已久編集前詩自繪
草堂圖冠之篇首以示不忘雖未能親奉
板輿遂情祿養而披圖把卷孝思不匱可
無憾已為題斷句四首附於卷末亦執鞭
欣慕之意

窺園詩鈔卷六

十

南陔半畝築儒宮想見茅容設饌豐左對孺人右
孺子高堂顧盼喜當中

宦遊遠別草堂孤為憶春萱寫作圖一片仁心能
及物柴門雞犬亦歡娛

承歡祿養志難伸辜負今朝捧檄身退食未嘗忘
每飯加餐猶念太夫人

新詩一卷足歌謳共說賢侯是孝侯百里春風花
滿縣惜無萱草為忘憂

愚庵明府校童子試賦詩四章依韻奉和

仁風幸到彈丸吹徧童烏有造安魚貫而來憑
點首龍門之下各揚鬢六曹接席燈分火一卷勤
鈔硯共池小試成章宜急就清機最易動人思

姓字顏標未許攀掃清衙署鎖重關割雞正喜來
言宰弄斧誰堪向魯班溝澮無源終易涸石頭經
點不妨頑少年須鑿東隅失莫負朝陽乍出山

自古人題金榜名多從童冠得先聲四書訓詁原
導宋八股文章要讀明白雪果能歌郢曲青衿奚
止博鄉英所嗟兩試隨棚後三載吟唔館冷清嘉慶

六年劉學使題表
歐恬兩郡歲科並考

窺園詩鈔卷六

十一

高標榜出姓名彰惹得閨人屬望郎應為挑燈陪
夜讀若能拔萃亦風光懷才公早稱三絕校士詩
今誦四章但恐瓜期容易及棠陰鳧鳥又他翔

題葉在東戴表姪碧梧翠竹小照

會稽竹箭美東南百尺高梧仰止堪一片綠陰濃
照影也如柳汁染袍藍

十年一賦奏清商早付奚奴貯錦囊笛料琴材都
已辨賞音坐待蔡中郎

再和愚庵明府人日即事疊校士韻

梅花次第笛中吹飛滿蒼苔白雪姿稚子未張風
鷄翅偃師已幻火龍鬢半規初上如弦月一鏡新

磨照影池封札傳來誰氏寄未披函看涉疑思初

雲亭所寄

三十三參緩步攀不題凡鳥枉柴關樓頭个个窺
紅袖巷口深深立阜班入野禽魚知向化趨庭豚
犬亦愁頑時兩小兒出拜山名自昔稱君子今日公來應此

山

漢代循良最擅名烹鮮小試著賢聲一編詩好春
能報四野花開錦倍明人頌慈祥多妮妮士經識
拔亦英英何當竹閣琴張畔重聽高譚風月清

名媿香山越境彰新詩風格擬錢郎金壺汁贈雙
楹帖見貽箋對王畫又生四壁光過去高軒猶未賦投

窺園詩鈔卷六

二

來疊韻又成章吾宗唱和誇才捷松尉王雲亭次日即有和章秃筆

難隨藝苑翔

寄懷張荔園廣文

升年宦海亦桑田魯殿靈光獨巋然弟子班中多
白髮先生席上只青氈采芝好唱商山曲展卷時
逢脈望仙剩有心期千載在還將文字續前緣

松陽楊時庭索贈拙集用山舟先生謝蘭韻

作三絕句見投依數奉答

吾鄉壤地囿千岑十載孤懷感慨深不道忘年猶
著契為君一賦遂初心

竭來芳訊遞遙岑貧賤交情淺亦深縞紵憑將文

字當不須覲面也知心
竹裏樓居高築岑遲君樓上共談深但期追步當
時體一雪盧前王後心

贈陳象川明府

名題雁塔曲江頭選不停年帝眷優纔得奇文
傳海內便教美錦製山陬下車日永初交夏滄任日
立夏
登麥風和大有秋即此已叨垂蔭福甘棠行看綠
陰稠

早聞傳說太邱名全豹今窺初政行讀法閭閻期
戶曉命題鬢序聽風聲病餘恨未牀前拜集小欣
來座右呈時余病足未
謂先呈拙集不分仲宣文體弱也從書記訂

窺園詩鈔卷六

十三

詩盟

余方以詩投明府而明府和詩即至再用前

韻奉答

雕蟲卅載雪盈頭今見高才倚馬優巴曲初纔投
座下鈞韶便已降城陬詞霏玉屑千金值墨灑涼
雲五月初敬把碧紗籠壁上草堂傳誦客來稠
半年膚受患瘡名也似匏瓜繫不行我媿李邕猶
未識公憐賈島許同聲投桃偏得瓊瑤報點雪還
憑鑪鑄呈已勝高樓登百尺傾心長熟辦香盟

雲亭以詩索借東坡詩集次韻答之

從來書卷可消愁看殺東坡物更尤敢謂酉陽藏

既富愧無卯酒伴相投文章海外才原大笠屐圖
中致亦幽興到不知遺下體狂吟痛癢一時瘳左足

周東杠廣文偕西坨枉過敝齋以詩見贈次韻奉答

衡茅敢詡養天真還往緣慳痛癢身時病足不能出戶不速

客欣來二妙無常師喜有三人愛蓮說好均能述

首宿詩工自入神近得風流賢令尹幾時偕去謁

清塵謂袁川明府

白愚庵明府卸事還省作此奉送

空山無物表殷勤一語臨行致贈君此去青天高

窺園詩鈔卷六

尺五前程幾步便侵雲嶺名侵雲

幾回聞去又濡遲廉吏翻成不可為半載宦囊無

長物一編詩草是官資

垢衣跣足苦爬搔足疾未瘳木榻將穿坐永朝時刻關

心難候送昨宵夢已過溪橋

周東杠廣文用前韻作謝西坨贈京水筆詩

見示索和

書家字體草行真都仗中山毛穎身西抹東塗凡

幾輩六詩三筆豈無人文原異水常能湧墨不愁

乾倍有神索載遠從京洛至素衣也未染緇塵

雲亭來遂下榻葉在東再表姪家乘夜過敝

齋次日即行作此以寄

傍晚來芳訊忙呼僕候閭那期遊秉燭便爾賦迴

車面覲一年後設深四鼓餘匆匆無暇及豈靳右

軍書

人多欲乞靈蹟

女姪順兒以雲亭姻戚故邀余代畱不果一

飯別去余轉被挽信宿

我為主畱客客歸我轉畱始知生女好真箇比兒

優沈水瓜時進當風暑亦休夜來還翦燭情話喜

相投

次韻答雲亭

詰朝聞說便迴車招我相畱東海徐

謂徐家女姪相招代畱

窺園詩鈔卷六

十五

里鄰封難小住一官匏繫竟無如篋中詩草隨攜

袖盈裡荷香暗襲裾正值早乾屠早斷居雖近市

亦無魚

逸致哦松每自扶長身似鶴况清暉慙余門巷同

南阮輸爾詩才似大蘇繞席坐來皆戚屬故鄉可

當莫嗟吁君行越俎庖吾代瓜葛團藥暢所須

題雲亭示次女招弟五律詩後

兩詩三峽似中有斷腸猿字裏縈愁緒行間溢淚

痕縑還未女織曲已廢姑思胡不如瓜葛猶能庇

本根

雲亭六十有五甫舉一男以詩寄示次韻奉

賀

千首哦松髻雪侵何如此日洗兒吟於菟少小生
為肖老鶴飛鳴和在林五嶽無須懷遠慮一丞原
不負初忱寢牀好把英聲試便抵東山絲竹音

聞桂花香示遲隨

年年八月近秋分丹桂花開迴出羣樹在誰家看
不見香於鄰舍有時聞雖云結子多能貴若要攀
枝莫惜勤金粟書中傳古諺爾曹還去理芳芸

華復堂代龍泉李古芝屬題水月圖畫卷余
尚未見擬作應之

窺園壽鈔卷六

十六

放艇蒼葭外初更月正圓夜游良有以風景想當

然空水明如鏡遠山澹若煙補圖聞說項圖為永嘉項子奎補

景學華為題箋復堂先有題圖詩見示

重九日雨

天憐病足半年侵故遣重陽風雨臨省得登高空
有約免勞插菊向他尋寒蟲促織衣當授山鳥提
壺酒勸斟賴有詩情豪未減為題饒字掃牆陰

雲亭以愚庵明府賀其得子詩寄示再疊前

韻

牧人吉夢羗年侵傾動官僚作賀吟蚌出珠堪誇
老壯雁來紅可傲花林餅因含哺叨分飽時貽粉餅蘭為
寧馨預獻忱夏間暑中閩蘭盛放生女求男名字好果然喚不

爽佳音

臘月廿四西坨七十生日

老人星好不嫌貧垂照鰥魚到七旬辨玄謂二首猶

勤雙管筆西坨能燈同庚偏占一年春乾隆丁丑臘月立

生與余戊午林逋自享妻梅福公瑾羣叨朋酒醇更同推星命

有東廚司命者為君華祝醉斯辰

韻答謝 丁卯試燈日雲亭預詠七十賤辰詩見贈次

韻答謝

七十身逢明聖時兩朝安享太平釐國中閒步

可無杖足下從心先有詩駱長在少長敢言鄭子產

雲亭詩有云籌多才誰似魏陳思雲亭連日棟花風信

窺園詩鈔卷六

十七

休相誤遲爾聯牀酌一卮相約三月來遂

閔叔私心未敢安抱慙賢尹累豬肝陳象川明府香

山逸老常思白月窟孀娥可授丹食字魚多仙不

易飲文人少味為難稱觴自笑無他物分得先生

首荷盤孫清濂周東江兩廣

次雲亭韻

奴僕誰堪命楚騷催詩幾累鯉魚勞山因有色心

常好雲與同牀臥自高內子曝衣閒拭桁頑兒塗

扇促濡毫何須對弈尋仙叟已覺人間歲月滔

陳象川明府五十生日在八月廿七四月八

日德配紀夫人悅辰預為雙慶用雲亭韻

奉祝

丹桂香移櫻筍時琴堂製錦祝華釐服官正值知
非歲浴佛宜呈預慶詩紅杏一枝高擢第甘棠百
里慰來思積薪畢竟公居上賤辰八月十三為拜雙星進壽卮
一樣桑弧門左安輸公錦繡鏤心肝成仙令尹休
誇漢壽世文章即是丹尼父誕期剛巧值曲阜古制八月廿七
為宣聖誕辰知天希聖豈辭難趨庭更賦新孃詠三日羹
湯看拭盤少公是月十九新婚

王薊崖亦以賤辰用雲亭韻賦詩寄贈作此

奉答

未識居停半面時多情為祝賤辰釐人貪錦製堂

窺園詩鈔卷六

六

前帳我喜紗籠壁上詩久擬永和成卻埽轉因元
度起相思曲高屬和難藏拙瓦缶那堪匹玉卮
漫將服食擬劉安讀易閒居見肺肝頭上憑他全
戴雪中還自細研丹文章知己負尤樂夢寐神
交老益難一水喜乘雙鯉便為裁尺素藉登盤

送雲亭少尉三俸報最赴省即用其感懷元

韻

宦途遷轉自來難天鑿辛勤十八年已育客兒丞
不負還畱仙尉老為綠詩賡寅友歌雙調張荔園亦任廣文十

年夢說丁公驚四筵此去看山如走馬一帆風利

好乘船

三餐努力勸君增莫恃精強拜起能腰折原無五
斗米頭銜重領一條冰文章易改新時樣冠蓋難
尋舊日朋我亦靈光懷魯殿謂山舟先生夢魂偕去到西
陵

有懷山舟先生

十年回憶坐春初指點瑕疵替摘鋤書為空函羞
屢寄跡因多病轉成疎鹿鳴瑞宴聞重赴鶴立丰
姿想舊如天與靈光瞻魯殿特為聖世表璠璣
華金門巨山秋興圖

烏巨名聞久煙雲尺幅收君其跌以坐我乃臥而
遊有樹皆如醉無山不是秋於茲託清興亦自足

穎園詩鈔卷六

十九

風流

七十生日薌崖又與雲亭合詞作幅寄祝次

韻答謝

淮南招隱小山岑忽見佻來叢桂深合錦雙詞揮
健腕謂雲亭傾筐百益費清心承惠蜜棗等物何須簫管憑吹律

喜有嫦娥早入林讀到曲終頻繞榻無絃曾抱感

人琴

初度光陰七十虛蹉跎一賦了閒居紫芝有曲雖
能唱白石為田空費鋤足下肯來先掃榻老夫即
此當修書自慙兒幼婚還未欲比癡聾翁不如

贈杜渭川明府

聲溢鄰封百里雷一官重紱亦榮哉曾為令尹三
回仕歷署江山分水龍泉之任今又潁川四長該崇許過牆分蔭及

燈緣鑿壁借光來同寅友更同桑梓暢叙鄉情笑

口開謂象川陳公

杜母遺稱千載雷家風又被及偏陬琴堂聽訟才

原裕槐市設經學素優公初任沙河司訓幕友行廚分鶴俸

大夫退食詠羔裘老生無物堪為贄一卷多慚覆

將醫投

項子奎聞余為李古芝題照亦寫圖水月見

寄唯烟月一規遙山數點而已戲詠四十

字作答

窺園詩鈔卷六

二

尺幅迷崖岸如漚數點岑泛舟疑竹葉惜墨過雲

林是色空諸有無聲待賞音還期滄海上聽爾鼓

瑤琴

戲贈歌伶郭瑞官仙居人

桃源仙本說天台今見梨園再謫來梳就雙鬟千

萬值黃金即此是燕臺

珠喉一串遠聞歌絲竹聲聲肉勝多媚眼波回三

絕擅櫻脣笑啟靨雙渦

謝傅東山樂且耽中年絲竹我猶堪非關霧裏花

看似裊履叢中競美談

從來尤物繫扶輿頃刻花開花不如莫訝登場凡

骨換箇儂原是住仙居

黃庭芻為賤辰屬項子奎作畫子奎以右丞
閑戶著書多歲月種松皆作老龍鱗詩句
寫圖見贈感其用意深厚賦此報謝并東

庭芻

長日深山似小年高情寫作著書天只愁泉石膏
肅客多負烟雲供養仙剝啄無聲敲戶扇扶疎有
影入窗筵何當花徑松根埽同向蒼髯問太玄

輓紀夫人為陳象川明府悼亡

內助賢侯善揖當憲英智尚畫膏肓金經誦徧都
無救空累天廚星自忙

夫人病嘗
食不能下

窺園詩鈔卷六

廿一

郎官同考聘秋闈視疾歸來恨已遲藥裹紛投求
愈切無從讎悔失中醫

賢郎炊白夢情傷百日仙緣賦悼亡誰料黃墟重
洗手作羹新婦奉姑嫜

淒涼官解暮啼鴉痛悼無涯生有涯一事差為徐
淑慰天畱死別侍秦嘉

窺園詩鈔卷七

平昌厲裔王夢篆文沙

友人以牡丹折枝見餉

春光一例錫芳菲分得繁華及
敝廬幼婦染絲難奪色
頑兒騎竹看成圍扶來綠葉花
尤豔歌到清平調自稀
富貴東皇至此極倚闌醉態想環肥

蘇萬昌入泮書扇以贈

角藝童年早冠軍遺珠幾度惜
同羣風簷正說逢修禊芳信隨
來報采芹知爾及鋒猶可試
喜予贈策有微勲從茲努力
三條燭好奮芸窗乙夜勤

白木香

窺園詩鈔卷七

小白薔薇似低枝亞短牆非徒花
冒木更以藥名香摘損丫頭婢
分簪稚髻娘老夫看笑倒輝映鬢邊霜

鴨鴨小景

曾聞莫打鴨眠沙今見臨池戲
寫他泛水各如舟一葉自呼名字
自為家

閨端午葉觀揚表弟餽糗戲答

天再當中節更佳弟家裹糗餽
兄家飽餐智慧憑增益秃管重開
五葉花

再作遣興

赤帝賡歌解愠風五絲疑續響
遙空人多忌諱生

重午天為稽留節再中白粥獨餐懷謝傅黃楊同
厄笑王濛小詩題罷憑誰和付與知秋一葉桐

周王函重疊詩以贈之

綠水芙蓉泛析津

從天津睡
貳葦高

歸來天與締良姻堂前攬

拜參君舅

謂西

牖下窺規集內賓得婿小喬知已足

扶風處姊不妨詢

新入女兄
尚未結褵

郎今好顧房中曲消受唐

山奏樂人

阿母關心未面郎端相仔細悅新孃飲人醇更經

重釀作客嬌還助殿房

諺稱繼室
為殿房

那想夫憐依仲寶

好偕妻隱學韓康

玉函精
醫理

君家况有趨庭樂便戀柔

鄉也不妨

窺園詩鈔卷七

桂花

團團桂影月扶輪彷彿如來金粟身香可共聞無
隱爾枝惟許折有才入公門桃李爭前輩舉子槐
花步後塵笑我為題詩句罷祇堪自署小山民

即事

長短何須問霍王病餘故態尚畱狂肉多翻欲餐
僧飯酒困時還臥友牀烏喜聽聲如聽曲花因憐
色更憐香閒中亦足供陶寫不必心齋學坐忘

閒步

青女真堪繪事誇染成秋葉賽春華碑將沒字文
才古詩覺有僧句便佳喬木漸難畱異代名園今

又屬誰家浴隄溪步都非舊踏徧恒河無數沙

代友人贈

矯首雲山一萬重高棲福地與仙通遺金不拾樂
羊子老僕呼名司馬公課塾咿唔皆族姓入門井
白見家風世間多少繁華夢不擾先生夜寐中

有懷亡友夏愛山

露萎紅蘭嘆不禁交情追憶到如今修文但作空
言說舊約可能來世尋每為推敲懷宿草更無音
信到亡琴似余後死終多累未許閒身學向禽

家釀初熟酌以自遣

門戒張羅恐雀驚巷同馬糞陋尤深多書難了今

窺園詩鈔卷七

三

生讀密友還來向夜尋叔不求知原自晦卿干何
事賴旁歲麩生近喜浚如水可與論交共酌斟

初冬即事

耐冷冬花開似綿陽回寒谷小春天我誇步健朱
紅履人怒狂呼斑白顛婦不學醫常蓄艾兒因求
考強完篇興公近與聯婚媾謂西早判金蘭簿內先

陳象川明府試童子以月明無犬吠花村為

題得明字擬作八韻示遲隨

向晚炊烟熄鄉村月正明望衡排戶鍵置驛撤宵
鉦好似玉為宇還同花滿城橋橫空際影風靜樹
間聲設悅尤無感栖雞不驚東陵皆逐客北府

可休兵夜夜窩安樂家家心太平
輜軒如過此佳政聽琴鳴

臘八日即事遣興

木棉裘稱體安便將煖調寒
護曉筵餽歲篚承舊例宜春門巷逼
殘年喜完月額施僧米免貸燃
眉蔭子錢賴有梅花憑供奉
招為瓶隱當逋仙

題甘文衡琴鶴小照

久客平昌寓柏園龍眠對榻共盤桓
畫王姓李輕裘冬日從傍視寫出春風笑語溫

火速催詩歸志殷不辭急就悵離羣
圖中翻羨閒琴鶴得與奚童常傍君

窺園詩鈔卷七

四

小平園為芥舟舅氏所創長君覲揚購鄰址
築迹堂今又拓之為東恒表弟所主

園亭橋梓隔牆通花萼相承繼述同
難弟一邱兄一壑三君泉石見家風

莊生濠上樂何如我亦閒來為問渠
池上有亭趙文石函為書問渠匾額
聽似水聲爭告語魚知主樂主知魚

題禮英弟諸君贈言墨蹟後

埋頭牖下志難伸曲突還能鑒徒薪
讀律分曹猶士子代耕得祿亦王臣
從來婚嫁誰無累自古文章不救貧
賴有諸公遺妙蹟珠璣滿篋抵家珍
戲為友人題家慶圖

伉儷兒孫媳共歡予求子取一人干家翁說要癡
聾作恐怕癡聾作也難

含章載表姪招同雲亭遊卉隱菴中途避客
至吉祥寺卉隱僧朝嶂遣徒迎接

有客乘車卉隱菴三人徒步別尋龕宗門不二無
歧路向北何妨轉向南

經行林下喜無差兩院優婆本一家好客遠公聞
客至松門遙遲立袈裟

遊卉隱菴歸途見菜花盛開含章倡作一律
雲亭邀同次韻和之

釵荆溪女媚韶光菜秀真宜襯儉妝與麥同霑三
窺園詩鈔卷七

五

次白如雲遠勝四孃黃看花豈必尋韋曲論價原
非為孔方少者詠歸老者和忘年友果妙于常

再賦一律

邨裏羣飛菜秀旁滿郊蛺蝶寫滕王遲遲春在田
中徧緩緩人來陌上望結子收成能繼晷畱根咬
得尚生香自從張翰傳佳句不讓三秋鞠有黃

雲亭以移居絕句寄示次韻答之

竹簾銜尾過灘頻油傘低撐蔽日身一个客星攜
眷屬合應上動栝蒼旻

如船屋子三間小足貯經書教紀羣莫患師糧無
宿飽屯田有硯自能軍

從茲主客圖重繪垂老分標各領屯我亦擬揮戈
返日不辭笳鼓競黃昏

自笑

自笑毛錐似尖奴漸退芒詩惟皮面寫語到口頭
忘病嬾無須藥醫愁却少方所欣來老伴

謂雲天亭

與共吟商

為陳六景伊題扇諸幕友先錄豔體詩詞遲

拙書於簡端作二絕句戲贈

摺疊溪藤雪色新諸公詩字盡藏春憑招十八姨
無妒扇枕來為入幕賓

子敬詩傳團扇香簪花我未學鴛鴦正愁遮面難

窺園詩鈔卷七

六

藏拙糠粃如何又簸揚

輓毛晉三

耆尤參苓半世嘗甘心苦口入膏肓而今償盡刀
圭債藥店飛龍荒一莊

生前步履苦蹣跚七日應愁來復艱聞說有錢能
使鬼籃輿可昇出銅關

廿年洽比舊為鄰扶老麻筵一奠親君若有靈應
我笑也隨借面弔喪人

哭順兒

二男一女幼零丁七載茹荼又奪齡天亦哀人垂
死別黃昏為泣雨淋鈴

百藥千方總不靈
臨危苦口始教停
六州鑄鐵真成錯
早主中醫或救星

迴憶生猶父
視子憂來每過你
欸歔而今路已東
隅失泣與卞和剛足如

同堂姊妹勝同胞
謂女敬兄緩急時煩借
筋勞病裏鄰
災聞執承彌雷還為問
臨牢時值猪瘟猶深為挂念

菊米和雲亭用張荔園韻

何須仙藥乞長桑
承露延齡早製囊
告糴好攜陶令斗
加餐多助屈原糧
一甌有味寧求飽
五里無炊亦覺香
小倦北窗攤飯穩
羲皇夢不到黃梁

覲揚表弟南溪採芝圖

窺園詩鈔卷七

七

樓鞦筍笠寫為圖
壽世餐芝信有夫
惹得家人先笑倒
赤雙骸便作仙呼

千秋日恭紀

甲觀當年毓聖躬
正逢大衍祝乾隆
高宗純皇帝大衍正皇上帝

降生之歲一人有慶春非小
五帝相承天再中
州縣分疆爭製錦
街衢比戶並呼嵩
太平世盛登仁壽
燈市嬉遊元夜同

贈周條梅

轍跡君幾徧九州
星躔歷歷掌中收
天非入蜀誰能上
客到從軍始是游
屋擬梅花圖一壺
書摹竹葉作雙鉤
詰朝又向蘭江去
芳訊還憑問故侯
蘇

册数	1
定价	8.00



360